

躬心全文鈔  
十三冊



05363

永州金石略刪存

金

虞陵銅碑

九疑山三分石上存家以銅為碑字不可識疑為

舜冢西南下即蒼梧縣三日可至九疑志

永明縣古銅鐘鑄如周制無款識

嘉慶十年邑人於紅葉澗翬目嶺

上掘得銅鐘一口高一尺九寸鈕高六寸二分濶四寸五分

兩舞相距一尺一寸七分橫七寸五分兩銑相距一尺五寸

一分橫一尺一寸五分枚三十六各長一寸有奇六枚缺損

竟體雷回文重五十斤銅色蒼黝斑駁可愛博古家斷為秦

漢以前物蔣伯子泰垣購而藏之蔣雲寬近游雜綴

舜廟古鼎時代失攷

舊在舜陵大可甬牛形圓足峙百人可移今

失所在舊志九疑山志

春陵侯冢漢鏡

道州民於春陵侯冢側得古鏡背上作菱花

躬恥齋文鈔

卷十九地志

一越峴山館棊

四朵極精巧其鏡面背用水銀塗之即今磨鏡藥也鏡畧昏

而不黑並無青綠色剝蝕處此乃西漢時物入土千餘年其

質不變信知古銅器有青綠剝蝕者非三代時物也洞天清錄

吳呂蒙宅故印文

永州龍興寺乃吳軍司馬蒙之故宅素師

浚井得軍司馬印每作書用以為誌宋肇懷素書跋

齊永明鐵磬款識

文云齊永明十年四月五日國主為一切

含識造鐵磬十二枚在甯遠麓牀山修真第二壇南齊武帝

時鑄九疑山志

唐祁陽縣白鶴觀鐘文

唐末觀有鐘重數百斤一夕風雷忽

吼躍入江中後有客夜宿昭潭夢一羽流曰我祁陽白鶴觀

道士欲歸久矣幸附載君舟容諾之遲明視水次有一鐘其

文曰祁陽白鶴觀鐘客悟乃載而歸之名山記

唐麓牀山鐵甕鐵印

唐時鄭安期居麓牀山修真第一壇每攜



鐵甕自隨重六百斤中可貯二十石又有擣藥鐵臼竝畱山

中縣志

唐九疑山魯女冠鐵藥臼 雲笈七籤九疑山仙女魯妙典擣

藥鐵臼重二百五十斤延唐令王翱令人強取之行未及縣

翱舉家皆病其曰今在潭州麓山寺犯之者輒病極靈驗賈

永明石佛庵五代時銅鏡 馬王妃疑希夢為永州刺史時所娶周氏永明

石視邱女馬氏亡歸故鄉入山祝髮百歲乃死明嘉靖間土

人掘得其銅鏡法器焉永明志稿

道州關廟銅鼎 州城武廟有銅鼎高五尺圍四尺古光黝然

數百年物也黃如穀州志

祁陽望岡奉天觀古鐵釜文 望岡池有古觀昔有道士掘地

得古鐵釜可盛數斗刻文云望岡奉天觀然莫辨其年代李

祁陽舊志

### 躬恥齋文鈔

#### 卷十九 地志

#### 二 越峴山館棗

瀧泊鐵笠 道州瀧泊之下良仙寺荆有古鐵器狀如笠俗呼

鐵斗篷無意時兩手可舉若有心舉之十人不能起湘僑偶記

永州馬神廟銅鼎 鎮軍廨側馬神廟古鼎昔土人於土中掘

得之高二尺製渾樸腰有花乳文底無款字蓋明以前物也

又鎮軍廨有古龍觚亦嘉慶間市中兒掘獲以售者同上

宋永州高山寺銅像紀年 高山寺古銅大士寺燬後存武廟

側相傳為宋初所鑄其左膝嵌一錢余往審之為雍熙通寶

也道光戊子鎮軍鮑友智葺寺移像復歸之湘僑偶記

宋活溪中宮寺銅像銅鼎 中宮寺建自仁宗慶厯遷於哲宗

元祐今寺中像鼎尙存

宋九疑山永福寺鐘款 元祐年間鑄鐘俗傳能為怪今鎮置

密室戒勿輕撞然炬綠索始能讀其款文遊疑鐘面皆棧起

作直行字半篆草其文曰大宋國道州甯遠縣九疑山

承福禪寺傳法沙門僧善義行第一捨錢二十貫文製造大鐘

一口永充供養不朽者行第二伏冀行第三三寶莊嚴皆假借字土地

第四證盟大吉行第五元祐元年丙寅六月十五日謹題行第六

岳州匠人鄧誠隨計七十

宋道州開元觀荆水中鼎 寇萊公至州升譙樓望開元觀荆

江水有光使人入水探之有巨鼎兩耳可通人終莫能舉州志

宋永州太平寺鐘銘 右朝散郎權通判永州主管學事劉襄

左朝奉大夫權知永州軍州主管學事梁仲敏右迪功郎永

州軍事推官趙正右儒林郎永州軍事判官許岳分四行列

志此下加同錄二字銘為顯謨閣學士謫永州汪藻撰并篆書其文曰

起空寂中無閒斷者非雷非霆一刹那閒徧滿大千非聲非

形以悉檀成以慈悲撞以歡喜聽從無始來如瞋而寤如醉

而醒九疑之西瀟湘之會梵釋之庭紹興庚午春再浹辰散  
躬馳齋文鈔 卷十九 地志 三 越峴山館彙

吏是銘

宋祁陽金蘭寺鐘款 寺在縣東百里馬江步縣志鐘文可攷者

捨寺基進士譚穎敷前代開山僧善琪意曉善秀善祥宋紹

興戊寅鑄鐘施主進士陳嘉猷會首周文球明甯長修

宋道州蓮花漏記 紹興二十九年十一月望日左朝請郎新

權知賀州軍州主管學事兼管內勸農事借紫吳民先誤云

天聖中禮部侍郎燕公肅始為荷花潘水蓮心出水之法謂

蓮花漏元祐間蘇丞相題又造水運儀向子恣守承用其法  
此作

宋永州慈氏閣金相輪記 城南開元寺田山玉外志云去城

云亦名太平寺今省 有慈氏閣寺中相輪華藏乃張魏公浚

母夫人所施造浚為之記今佚 宋永州唐刺史廟鐘款 唐刺史昌圖得封於馬氏宋氏加封

世有隆禮此鐘題辛亥淳祐十一年十月修造僧寶甲子書



於紀元之上亦罕見也

湘僑偶記

元永州路學祭器記 樊明府刺永之明年顧禮器乃募工於廬陵市貢餘於九牧案博古多識范尊罍豆洗爵坩簋盃一百四十有二

張山翁記

樊將軍刺永省志官表在世祖時舊志傳云至元間任則前至元也

元永明儒學祭器款 延祐七年五月鑄成犧象罍洗爵坩龍

勺簋盃豆鼎之屬凡九十有八銅三百八十斤提調主簿檀

堯章教諭邢泰督造長沙沈芑仁記

周鶴永明舊志

明永州瀟湘廟鐘鼎款 瀟湘門內及城北皆有瀟湘神廟其

鐘鼎鑪瓶皆刻宣德五年辛亥鑄造無錫縣知縣零陵唐泰

安母戴氏妻鄧妙清所施

湘僑偶記

又嘉靖十年都指揮陳璉男

陳臺妻張氏敬為保安男童喜捨香爐一座今移至唐公廟

同上

躬恥齋文鈔

卷十九 地志

四 越峴山館棊

明永州黃溪廟鐘鼎款 正統七年壬戌正月上浣吉日蔣震

同第蔣暹鑄 又鐵鼎文鑄隆慶庚午仲冬菊坡子置菊坡

南渭王孫也

同上

明永州關廟鐘款 武廟廡下大鐘正統九年九月所造也其

列名者指揮使劉琮母韋氏室王妙賢男劉正劉鏞指揮同

知陳福指揮楊英王昶鑄撫王鏞餘不盡錄

同上

明永州府儒學祭器款 銅爵五其制爵距內嚮上鑄天順八

年正月十一日造銅簋九上鑄成化四年造

同上

明甯遠勝因寺

今為西林寺

鐘款 甯遠縣僧會司徒弟傳達化緣

勝因寺開化洪鐘一口蒲牢吼月永鎮山川乃百代之不磨

祀一人之有慶正統己巳年春月造

同上

明龍會寺

今在新田

鐵桐款 龍會寺有古鐵桐高三尺口徑三尺

容水可二石上鑄宏

敬

治二年造今寺僧呼為鐵水缸用以

貯水又甯遠石家峒民家藏古鐵釜鐵缸多類此似一時所製或款與荆同或不鑄款蓋產鐵之地被官府徵造而未進者同上

案君山有孟琪鐵桶類此亦有環不知何所用也

明愚溪柳司馬廟鐘鼎款 嘉靖三年冬月坊境居民造鐘庚寅歲鑄鼎僧心月訪碑錄 審為戊寅者誤

明永州高山寺鐘款 南渭王老府敬齋主人信官宋璋高毅

鎮撫楊茂張倅喜捨嘉靖乙巳年仲春吉旦僧圓亮募造

明永州譙樓鐘贊 湖廣道永州府知府黃彬江西南城人同

知關通判陳文進福建惠安人推官王民佐直隸邯鄲人道

州知州梁祖堯四川溫江人零陵縣知縣關案表為 董志舜浙江海

甯人祁陽縣知縣熊維卿江西南昌人東安縣知縣蔣鑄直

隸含山人甯遠縣知縣楊載植貴州銅仁人永明縣知縣陳

躬取齋文鈔 卷十九 地志 五 越峴山館

之京浙江鄞縣人江華縣知縣應世科浙江仙居人督工官

照磨湯元忠江西南昌人縣丞劉公田江西興國人右書 右方

贊口知府黃彬今牧八城金聲再振聖教常新皇明萬曆二

十九年歲次辛亥關月庚寅立左書其中兩界大書風調雨

順國泰民安八字 今鐘虛縣鐘樓絕無擊者湘僑 偶記

明道州雲臺山鐵釜文 雲臺山在道州接壤零陵處有巨釜

周圍數丈積水不鏽宛若新鑄崇禎年造人呼為千僧鍋州志

作千人鍋○ 心月訪碑錄

明零陵蔣氏傳家鐵硯 零陵蔣教授如桂號仰崙嘉靖間有

道之士也生平以一鐵硯自隨傳至曾孫又滋元孫彌高凡

五世又滋稱其性剛池裕體莊制古潛靜自好邁越晚器其

珍重至矣今蔣氏後人詩書之澤弗替從遊濂社者數人詢

此硯至今尚存湘僑 偶記



明祁陽縣學祭器記 隆慶庚午獻延張侯聚銅千一百十斤  
鑄登六銅二十有六籃籃各五十有八籩二百四十有四豆  
如之爵二百有七蔣仕

國朝涪溪中宮寺銅鼎款 雲南省臨安府蒙自縣個舊里灣  
子碕眾等發心鑄造康熙四十五年二月十八日募化住持  
僧照域同造

王

舜廟玉甕 始皇時零陵人掘得赤禾玉甕可容八斗以應八  
方存舜廟今佚

躬恥齋文鈔

卷十九 地志

六 越峴山館采

石

秦人承平洞題名 未見 秦始皇時有周貞實者避居零陵澹

巖常來此洞峽口有石如掌有貞實來遊四字 王元弼承

漢平都侯相蔣君碑 佚 君諱 闕 字 闕 二 其先出自 闕 二 后稷

之 闕 至於成王光有天下錫地 闕 綏俾侯于蔣因而 闕 九 秦

闕 二 諸夏 闕 三 恥捐 闕 二 上 闕 三 叔曰 闕 遐阻 闕 居來南邊

彼荆 闕 四 漢君之祖考 闕 四 為交州刺史從父交阯太守 闕

能輸力王室以篤臣節功列天府令問不已君纘厥緒載德

不 闕 三 山之 闕 八 秉 闕 二 之芳刑膺顏夏之殊行孝友著於

閨門弟順稱於鄉黨敦書說禮 闕 二 好仁 闕 四 事 闕 三 學優

則仕歷郡五官掾功曹正色立於朝有孔父 闕 三 前後牧以

禮辟命委質承 闕 九 行成於內名播於外再為計掾光光擣

擣與 闕 三 乃時京師百郡覲會莫不 闕 十 中昭 闕 五 之則風

夜惟寅關三翼天關二禮朝遷明德出宰豫章平關十季文

之清約關二豹之政布愷悅之化經國以禮關二以義異郡

黔首緦負歸關九君文不犯順武不違敵賞善罰否寬猛協

中關濟清瑛遵五逆四仁慈春夏威若關九臧囹圜空虛路

靡怨關四睦宇宙稱平三載考績功業顯明當據符關受福

無疆關天不弔降災賢良關六十有五元嘉二年三月甲午

卒遭疾不豫關卒於官國喪惠君朝失楨幹百關悲恨若鄭

亡產遐邇關三女增歎關曹忸怛關二罔極關二愛敬終以

哀感禮畢祥除餘悲憑億瞻望墳塋循墓徘徊松栢關寔涕

泣愴懷感慕詩人蓼蓼者儀追頌遺訓刊之元珪其辭曰

於穆林丞實乾所生關二挺出關性純清文為儒宗武則千

城頤顛缺昂昂臨朝有光宿衛紫微虔恪在勤典國治民其

化若關三州郡關二龜銀皇矣上帝賦命不均喪漢長輔社

躬取齋文鈔關卷十九地志七越峴山館釋

稷之鎮淑人君子胡不萬年改世不朽關流後昆釋

右漢故平都侯相蔣君之碑篆額今在道州碑石漫滅不得

其名字平都侯國屬豫章郡碑首有出宰豫章平五字其下

闕文即平都也蔣君以威宗元嘉二年卒其文有云禮畢祚

除瞻望墳塋則此碑乃後來所立學記蛾子時述左傳蛾析

皆讀蛾為蟻史記索隱讀淳化鳥獸蟲蛾亦作蟻漢碑書蓼

莪皆作蓼儀亦有作蓼義者詩人以儀與河阿叶韻則是讀

儀為俄也此以蓼蓼者儀叶涕泣愴懷刊之元珪則又讀如

本字大學云逆諸四夷釋逆為屏後漢傳有遵五逆四之文

此碑亦然蓋漢人傳魯論有如此者碑以芳刑為芳形橋橋

為矯矯憑億為憑臆清瑛為清英 篆額三行文十六行行

四十字後餘五行釋

案此本蔣嵩墓碑以為蔣琬者誤



漢綏民校尉熊君碑 佚 君諱 闕 字子 闕 其先蓋帝顙項高陽

氏之苗裔周有天下成王建國熊繹封楚慶祚 闕 三於 闕 二

亦世載德卅餘代君高祖父籌自汝南吳 闕 五子靈王元孫

大漢龍興 闕 舉鄉 闕 拜議郎南巡郡國封龍平 闕 三祖父啟

敬舉 闕 三 大司馬伯隧 闕 曾祖父範督郵守長州辟元 闕 六

君 闕 四 應上計 闕 祖父師 闕 二 上計掾君 闕 喬字漢舉吏督

郵主簿五官 闕 二 三奏辟願志皓首不肖應就君立述唯仁

與 闕 十 祖父 闕 二 治歐牟尙書六日七分少仕州郡臨朝嘗

鄂孔甫之操以忠孝稱更諸曹 闕 二 賊曹主記史督郵主簿

五官功曹州 闕 八 舉孝廉上計掾興平元年八月廿八日壬

寅詔書除補桂陽曲紅長既敦文武為政果達臨化宜惠所

去遺績視事六載荆 闕 八 奔 闕 掩迫之害罹災致寇 闕 郡潰

亂鎮南將軍荆州牧侯山陽劉君諱表字景升以君稟純履

躬恥齋文鈔 卷十九 地志 八 越峴山館采

正出自帝字緬榮輕舉厲志疾邪牧侯 闕 弄 闕 為民所安命

還拜綏民校尉領曲紅長復莅五年政隆上古流移歸懷繼

負而至吏民作誦曰彼熊父兮解我患害安我 闕 移遭母憂

闕 去官陽九應會王室威 闕 君功顯宿著海內諮美拜騎都

尉受命立灌陽縣督長六載無為而治稽則先民 闕 二 附容

無怨曠聲君春秋七十有一以廿一年三月廿七日丙寅卒

官吏民懷慕官屬五徙黃郭 闕 二 奚湯 闕 扶送靈 闕 哀如雕

傷顧見農夫泣淚路堦皆懷悽愴哀我惠君君同產弟望季

公質性忱慨史魚之直更功曹列掾督郵都梁長早終君長

子再孝存姿操敦良耽志好學博覽雅藝 闕 二 曹列 闕 三 奏

辟召於州終昔周文公作頌宋成考父公子奚斯追美遺 闕 法

紀述前勲於是刊 闕 以示後緄其詞曰 赫赫熊君遷基 闕

字漢興伐項巡行南土顯封受爵遂爾延祖壘葉休隆君增



敬其緒克明盛德宇牧城社所在有績龜銀之祚河雒挺錄  
爲國毗輔懿懿其操穆穆其姿光光其行桓桓其威清虛澹  
泊後嗣式序冠秩之應實賴厥後昊天忽然枕榮終枯喪我  
良則國失良輔其存也榮其亡也哀銘勒金石沒而不朽靈  
也有知祐福子孫支干相生吉而無咎詩云嘉樂君子顯顯  
令德延于無極 迨敘君兮懷純精名稱於州里兮樞機發  
動執忠貞兮溷亂而不惑不枉身事汗君兮捐土爵而進退  
崇禮約行兮舉動而不跌遭濁而自靖兮泥而不滓穢烏呼  
君兮匪石是爲州郡禮遇兮名貫於四表德稱並宣光兮賢  
比於前列邵旱之歎岐兮束脩稱由文武兮興後葉子孫殖  
兮世享祿龍潛體於枯木兮就生存是以刊石兮爲君立碑  
攬瑛雄之迹兮闕來諧嗣長基而廣宇兮後世無廢遣

故長沙茶陵長文春字季秋質操貞良慈仁汜愛治天官日

躬恥齋文鈔

卷十九 地志

九 越 峴山館棧

度風角列宿明知聖述在官修德民歌遺風春秋七十以道

頌遷宗胤不紀故爲宣昭 故桂陽陰山豫章闕長重安侯

相杜暉字慈明體質宏亮敦仁好道治易梁邱春秋公羊氏

綵攬百家無所不甄典歷三城居官清惠遺愛在民春秋六

十終族後闕術故因顯德以示來塲 建安廿一年十闕月

丙寅朔一日丙寅太歲丙申碑師春陵程福造釋

右漢故綏民校尉騎都尉桂陽曲紅灌陽長熊君之碑篆額

今在道州獻帝建安二十一年造漢人書墓闕及神道則有

盡列其平生所歷官者及銘志則舉其所終或所歷之清高

者題之其敘先世但云某君之孫某君之子既不名其父祖

亦不著其德美此碑獨異於他刻高曾之閒又有祖及敢避

其上闕蓋伯叔祖也祖之下云君喬宇漢舉喬上亦闕一字

必父也碑首熊君名宇皆殘缺歐陽公以喬爲綏民非也後



漢志荆部無灌陽晉志零陵始有觀陽水經云湘水北徑觀陽與觀水合唐上元中呂諲奏用蕭銑舊名復置灌陽今隸全州碑云受命立灌陽縣則是劉表初命熊君置此邑也綏民杖尉亦表所勅者與高頤褒義杖尉相類漢末王政不綱始建牧伯諸劉在荆益擅權專恣無尊獎王室之心名官置縣皆不以告故史氏逸而不書碑後載茶陵長文春重安侯相杜暉二人官壽行事各數十言似是同郡盛德之士作文者惜其無所記錄故附之左方也碑以歐牟爲歐陽以蹇鄂爲蹇諤後緄爲後昆瑛雄爲英雄瑁卽隅字射卽爵字質卽質字風卽風字篆額二十字作五行文十七行行五十五字才及碑之半其後空數行書文春事又空一行書杜暉事末行書年月及碑師姓名與杜暉相隔亦數行許名之後追敘君兮別作行釋

躬恥齋文鈔

卷十九 地志

十 越峴山館棐

古九疑山舜廟碑佚

九疑山南有舜廟前有石碑文字缺落

不可復識水經注

漢泅道縣舜廟碑佚

九疑山東北泅道縣界又有舜廟縣南

有舜碑碑是零陵太守徐儉立水經注

案吳繩祖九疑山志云舜峯去舜祠四十里卽三峯石也其間有家似銅爲碑又云舜祠在玉瑄巖前秦漢以來祭舜於此其龜跌文礎磊磊猶存諸○余於道光戊子正月與李家雋家駒入九疑遊山中土人熊際飛者尋其故地得見古碑觀跌於荒圃拾得古瓦背有人字者中觀村觀觀亦堅厚惜土不甚細遜灌廟遠矣觀

漢春陵節侯故城碑佚

漢武帝元朔五年封長沙定王中子

買爲春陵節侯春陵縣故城東又有一城節侯故邑也城東

角有一碑文字缺落不可復識東南三十里有節侯廟水經注

案明統志云春陵城在甯遠縣北五十里余嘗信宿其地當四山之陬尙稱侯坪其縣城則謂柏家邨云觀

漢春陵節侯墓碑佚

今追補刻於平田邨興時塘節侯買墓

在縣北六十里戴侯熊渠墓亦在焉舊省志二侯墓在故城東

北舊縣志春陵山一名洛陽山俗傳上有光武廟疑節侯墓在

此下有大理石碑三字磨滅不可識今故城在柏葛勝邨後又東北平田邨興時塘有高壘古老相傳卽侯墓會銓甯志

漢蔡邕九疑山碑銘佚今存南宋補刻在玉瑄巖壁字小而結構體凡

近與銘不稱

巖巖九疑峻極于天觸石膚合輿播建雲時風嘉雨浸潤下

民芒芒南土實賴厥助逮于虞舜聖德光明克諸頑傲以孝

烝烝師錫帝世堯而授徵受終文祖璇璣是承太階以平人

以有終遂葬九疑解體而昇登此崔嵬託靈神仙隸書九行

九疑名助離騷祠廟古矣乃無漢以來碑刻閱歐陽藝文類

聚有蔡邕碑銘然僅載銘詞而碑文不著惜也它所遺逸多

矣龔之既考新宮遂屬郡人李挺祖書於玉瑄巖以補千載

之闕云淳祐六年秋八月郡守李龔之題八分書五行在銘文之後低一格

躬恥齋文鈔卷十九地志土越岷山館栗

案此銘惟見於歐陽率更堯文類聚中北宋歐趙南宋洪氏皆未見此石宜無著錄從前無吉刻則不可攷矣

蔡邕秦巖二大字見在江華縣南五十里吳望山下舊志云

秦人避亂於此故名刻有秦巖二大字筆力蒼古相傳漢蔡

邕所書鄭鼎勳縣志

蔡邕合暉巖題字未見道州南四里合暉巖最高處鐫水天一

色四大字相傳爲蔡邕書黃如穀州志

漢諸葛忠武侯字跡佚東安五峯巖相傳有孔明字跡吳德潤志

吳玉瑄巖舜碑佚吳天皇元年玉瑄巖在甯遠縣石志

案此碑道流所贗造攷吳無天皇之年金石志大誤

晉王羲之書蘭亭敘道州木未見○王照省志云案此木亦輟

齊報恩寺碑佚永福寺在九疑山舊舜祠之右舊名無爲寺

又名報恩寺南齊時敕建以衛舜祠有斷碑可識宋太平興

國五年易今名九疑山志



唐李嶠九疑山無爲洞題名見 在道州無年月寶刻類編方輿勝覽

永福寺東十餘步有貞元闕李嶠篆刻顧麟遊衡嶽前紀孫克宏碑目

唐李嶠碧虛洞篆刻在甯遠縣石志

李嶠唐時官舍人遊九疑至碧虛洞有貞元篆刻於石九疑山志

王顯等省志云案李嶠新舊唐書俱有傳其官鳳閣舍人乃在貞元朝卒於元宗嗣位之後安得後於德宗貞元闕而遊

無爲洞本深窾在下宋時永福寺僧雲亮引遂成壑從洞後流出入洞爲隱障之

其障一還昔年真面也李嶠篆既顧麟所見自不當在洞中

皮時東石壁剝蝕處或卽其所余手捫蘿葛僅獲宋刻數方

遂行悵恨久之載 輿地紀勝

唐舜祠表未見文載 在道州元結撰江華令瞿令問書輿地紀勝

唐虞帝廟碑未見 在道州學西元結作輿地紀勝案張謂作虞

碑特誤載耳謂碑不著時代其文曰祁陽必營陽之謠蓋舜廟始廢之作借頭考矣

躬恥齋文鈔卷十九 地志 越峴山館栗

唐舜廟立守戶狀存文見秩祀志舜祠表在 在道州元結撰江華令瞿

問書輿地紀勝

唐奏舜廟狀瞿令問八分書在道州天下金石志

今所拓道州舜廟碑分十一行係分書其第一行上下並蝕

字尙常二五字第二行第二二字尙存其餘第一行上下並蝕

字尙全關五字第四行第二爲考其下道州刺史元結奏請八

歲時坤曬曬字約畧可識耳又闕一字有家字又闕一字接

字似豈字以下並蝕第六行書祠下三字起以下蝕第七行

行之下載惟甲間有致宣二字可辨第八行中見廟字

泰二年口以省郡志所載表狀經之惟近祠一兩家令歲時

拂灑示爲恒式數字極相符合前後雖不盡同此文之爲狀

詞無可疑矣其刻二年者立廟之次年也

唐右溪銘未見 元結撰在道州右溪石上遊名山記文

唐七泉銘未見 元結撰在道州東郭州新志

唐五如石銘未見 元結撰在道州東郭州新志



次山諸刻游思廣問永州所在戊子春日照何紹基子貞則云皆在五如石下今石出上不及其半非掘地開道不能得凡屬歸與父老商之卒以有礙風水不能動爲辭無爲洞之汎于水五如石之沒於土豈皆造物珍秘之意與抑神物之見於世亦有時會與偶記

唐宏尊銘

存

在道州城中報恩寺小石山巔

孫氏碑曰

宏尊銘

有序

刺史元結銘

省志云下磨滅

道州城東有左湖湖

東二十步有小石山山巔有宏石可以爲尊乃爲亭尊上刻

銘爲志銘曰片石何狀如獸之跋其背類宏可以爲尊空

而臨之長岑深壑廣亭之內如見山嶽滿而臨之曲浦迴淵

長瓢之下江湖在安彼成全器誰爲之力天地開鑿日月故

拭寒暑琢磨風雨潤色此器太璞尤宜真純勒名亭下以告

後人 瞿令問書○○○年十一月日刻

右宏尊名元結撰瞿令問書次由喜各之士也其所有爲惟

恐不異於人所以自傳於後世者亦惟恐不奇而無以動人

之耳目也視其詞翰可以知矣古之君子誠能於無聞然不

如是之汲汲也集古錄跋永泰二年唐元結撰尊銘

躬取齋文鈔

卷十九

地志

三 越峴山館棗

宏尊銘十五行一百四十七字紀年已漫漶不可辨据集古

錄跋乃永泰二年也元結撰瞿令問篆書于奕正天下金石

志作顏真卿書誤也刻在道州下津門外江之北岸石上次

山此銘載文編志乘多采錄其石刻則著錄於歐公集古錄

及朱長文碑文攷吾家令問公時官江華令爲次山屬吏工

篆籀故命書之次山陽華巖銘亦公所書故序云江華縣大

夫瞿令問藝兼篆籀俾依石經刻之黃山谷遊愚溪詩有下

入朝陽巖次山有銘鐫薺石破篆文不辨瞿李袁之句瞿卽

指公也此外惟見諸容州都督元公碑稱故吏江華令瞿令

問云又寶刻類編載有貞元中朗州武陵令瞿令珪墓志係

其子佃撰似是公之昆弟惜亦無從訪證矣籀篆古文久已

失傳其散見於經典者獨周禮爲多史記漢書亦閒存焉玉

篇廣韻所收尙爲近古可信至唐惟李陽水碧落碑用古文



則與令問公同時矣宋初郭忠恕撰汗簡夏竦作古文四聲韻搜求頗廣又在公後數百年今以此碑證之尙有未采之字惜當時二公未及見也此碑結體遒勁篆筆在浯溪磨亭磨臺諸刻之上昔人有謂浯溪三銘書皆出自公手者觀此恐未必然公書此碑所用古文皆有依据以此見公篆學之精深實於唐宋諸儒中卓然可稱者今博稽載籍一一爲表出之尊作奠亦作奠見於鐘鼎文字及宋辭尙功款識宣和博古攷古二圖者甚多說文酉部牂字古文作𣎵其酉字正作百其餘見於說文者二作式爲作𣎵淵作困地作墜開作關而此作闢風作咸雨作𣎵玉篇作𣎵此作𣎵色作𣎵汗簡引古老子作𣎵又作𣎵義雲章作𣎵又作𣎵而此作𣎵宜作𣎵廣韵作𣎵而此作𣎵眞作𣎵此作𣎵深作𣎵爨見說文升部訓蒲莠之屬與深字義別然碧落文有𣎵亦以爲深其見於

躬恥齋文鈔

卷十九

地志

十四 越峴山館采

郭夏二家書所引者道作𣎵古老子州作𣎵古尙書城作𣎵王庚子碑步作𣎵汗簡顛作𣎵裴光遠集綴爲作𣎵道德經又作𣎵古孝經而此作𣎵何作𣎵碧落文如作𣎵古孝經及道德經空作𣎵王存又切韻而此作𣎵岳作𣎵華嶽碑臨作𣎵古孝經曲作𣎵義雲章又作𣎵古老子大作𣎵古孝經尤作𣎵王庚子碑以上與此刻大率相合惟筆畫微有不同因拓本不精未能細辨也暑作影見碧落文乃从古文旅而右𣎵有多攷之說文凶部岌从𣎵云古文旅又𣎵部云𣎵古文旅又以爲魯衛之魯案古文四聲韻中所收旅魯二字下俱作𣎵無三𣎵惟者字下多作𣎵有三𣎵則从者之字當有𣎵也潤作𣎵凡古文从門之字多作𣎵此作𣎵義通而郭夏二書未載可据補之磨亭銘亭作𣎵从𣎵从傾此文爲亭尊上之亭又𣎵从傾作𣎵攷義雲章以𣎵爲亭而古老子傾作



順則彼从頃此从傾省文也蹲作跋郭夏二書不載跋字見  
公羊傳丁度集韻云租昆切音尊蹲也高誘注淮南子云跋  
猶蹲也郭璞注山海經及陸德明莊子釋文引字林並云跋  
古蹲字今水史記貨殖傳下有蹲鴟裴駰集解引徐廣曰古  
蹲字作跋而婁機班馬字類引貨殖傳直作跋字音蹲焉作  
安古孝經華嶽碑云臺碑並同案焉安也安焉也二字古人  
轉相爲訓又古音寒先二韻字多通論語斯焉取斯劉向新  
序引作斯安取斯滿作蔥攷廣韻蔥爲滿之古文說文滿盈  
溢也蔥煩也二字義別然漢書燕刺王傳及霍光傳憂蔥俱  
作蔥而石顯傳憂滿作滿蔥字既可省心滿字何不可省水  
從心於義亦合惟滿字從滿滿從甘從兩並非從艸從兩則  
惑於時俗楷書之謬體矣類作隰郭夏二書所無亦可據以  
補之片石之片今誤爲井汝拭今誤爲拂拭真純今誤爲直  
躬恥齋文鈔

卷十九 地志

五 越岷山館棗

繩皆當以石刻正之石刻後十一行上下皆齊其前第一行  
標題低四字第三行序低三字第四行低二字小石下空一  
字似皆石有高低四陷故就勢鐫刻之其第二行刺史下已  
不可辨矣次山又有杯尊銘在武昌窰尊當以在道州者爲  
正予遊衡州石鼓之西谿見河干一大方石上亦刻正書窰  
尊二大字窰窰二字並見說文其義可通今據此刻知次山  
道州之原名作窰而非窰也唐代宗永泰二年卽大曆元年  
是年十一月甲子始改元故十一月以前猶稱永泰二年此  
刻據歐公云永泰二年則當在十二月以前今石刻十下一  
字似式乃古文一已漫漶不明矣

韞中溶金  
石文編

今窰尊銘拓水十五行題三字乃小字均蝕第二行元結二  
字可辨下似多一行者三字闕下見爲志銘曰兩山字止首六  
爲尊以下蝕六行三字闕下見爲志銘曰兩山字止首六  
字不可辨之跋至類窰皆明顯入行者四字模糊下見空而  
臨三字闕之字長岑深窰每全蝕九行廣亨以下十字皆顯  
臨字晦末一之字十行此字不見補字以下六字可見下闕



下江二字湖字存在字不清安字存十一行首一字晦見成  
合二字器誰爲五字不甚顯天地開三字可辨鑿字晦十二  
行皆完好十三行首三字顯璞字晦尤宜以下五字顯名三  
晦字字可見失下字十四行首隱三字見人字下瞿令問三  
字畧可識闕書字十五行僅  
見一月二字而已鍾磬論

唐陽華巖銘有 文見名勝志在道州東南七里山厓格古要論

永泰二年元結撰瞿令問書元結好奇之士也其所居山水  
必自名之惟恐不奇而其文章用意亦然而氣力不足故少  
遺韻君子之欲著於不朽者有諸其內而見於外者必得於

自然顏子蕭然臥於陋巷人共見其所爲而名高萬世所謂  
得之自然者也結之汲汲於後世之名亦已勞矣集古錄

元結撰瞿令問書序入分書銘古文篆隸三體書後題年月

篆書永泰二年五月潛研堂金石文宇月錄

唐寒亭記存 在江華縣元結撰瞿令問書永泰二年輿地紀勝

寒亭記 道州刺史元結撰 永泰丙午中巡屬縣至江華

躬恥齋文鈔 卷十九 地志 其 越峴山館葉

縣大夫瞿令問咨曰縣南水石相映望之可愛相傳不可登

臨俾求之得洞穴而入棧險以通之始得構茅亭於石上及

亭成也所以階檻憑空下臨長江軒楹雲端上齊絕巔若且

莫景氣煙靄異色蒼蒼石壙含映水木欲名斯亭狀類不得

敢請名之表示來世於是於亭上爲商之日今大暑登之疑

天將寒炎蒸之地而清涼可安不合命之日寒亭與乃爲寒

亭作記刻之亭背

永泰中元次山爲道州刺史嘗巡行江華登縣南之亭愛其

水石之勝當暑而寒遂命之曰寒亭而爲之記刻石在焉宋

之奇服 谷銘序

出南門抵蔣家山至小飛來石從山盡處轉入巖腹梯磴而

上得石壁數百尺上刻次山記刻去積蘚讀之嘉慶初邑合李邦燮遊記

唐道州刺史廳壁記 佚今存 明刻

道州刺史廳壁記 唐刺史元結撰 天下太平方千里之

內生植齒類刺史能存亡休戚之天下兵興方千里之內能  
保黎庶能攘患難在刺史爾凡刺史若無文武材略若不清  
廉肅下若不明惠公直則一州生類皆受災害於戲自至此  
州見井邑耶墟生人幾盡問其故不覺涕下前後刺史或有  
貪猥昏弱不分是非但以衣服飲食數年之間蒙以私欲侵  
奪兼之公家驅迫非姦惡強富殆無存者問之耆老前後刺  
史能恤養貧弱專守法令有徐公履道李公虞而已徧問諸  
公善或不及徐李惡有不堪設者故為此記與刺史作戒自

置州以來諸公改授遷緇年月則舊記存焉

右次山道州刺史廳壁記中分書十行明王會重摹本有  
跋據述是記一刻於宋慶曆八年守王贊再刻於淳祐李襲  
之案襲之亦官郡守則刻九疑山銘者隸書端勁有法與九  
疑山銘筆法頗類恐亦李挺祖所書蓋重摹時易去道州新  
志載此文材作才數年之間月誤衍蒼生二字又刪去末自  
置州以來諸公改授遷緇年月則舊記存焉十八字皆當以

男耶齋文鈔

卷十九 地志

七 越峴山館葉

石刻爲正  
金線山館

唐朝陽巖銘 佚今存  
摹刻

唐元次山朝陽巖口 永泰丙午中自春陵至零陵愛其郭

中有水石之異泊舟尋之得巖與洞於戲巖洞此邦之形勝  
也自古蒙之亦無名稱以其東向遂以命之焉以攝刺史獨  
孤恂爲吾翦開榛莽復攝刺史竇必爲吾創制茆閣於是朝  
陽水石始爲勝絕之名也而刻銘巖下以眎來世銘曰 於  
戲朝陽怪異難狀蒼蒼半山如在水上朝陽水石可謂幽奇  
巖下洞口洞中泉垂彼高岳絕厓深洞寒泉縱僻口幽遠猶  
宜往焉况郡城井邑巖洞相對無人修賞竟使蕪穢刻銘巖

下問我何爲欲零陵水石世人不知 省志脫  
泉字

懼木夫云右元次山朝陽巖銘分書十一行後題甲寅中秋  
零邑後學田山玉書石攻山玉係

國朝康熙間零陵文學金石萃編誤爲次山同時人



唐丹崖翁宅銘伏見名勝志 元結撰在永州府石志

明統志云在府城南一百里零陵龍下  
零陵縣志載此銘文并云丹崖在城南四十里一名赤石洞  
丹崖翁宅在縣南五十里奇峯與明統志不合自以縣志為  
確彼謂百里者乃誤以龍水為即零道間龍泊也

唐元結贈洞溪翁詩刻伏 在江華縣洞溪代宗時有隱者王  
姓居於此人呼為洞溪翁見類書

江華志又云洞溪翁太宗時人姓張名子厚家于洞溪元次  
山對面巖之見其容若少壯間其年已九十餘問何以能此  
翁對曰巖下有泉田環於上五世居此飲食取足無求手  
他乃止次山宿次山贈之詩刻於巖下後不知所終碑頌書

唐元結九疑山石穴題名即無 在水中不得見

紫虛洞真宮在營道縣行二十里有石穴上通於天有元次  
山丞泰年題名天聖中寺僧雲亮於洞前百步築隄為塘瀦  
水溉田洞遂為池方輿勝覽

甯遠縣碧虛洞亦名嘉魚洞去二十里有石穴仰見天光有  
元次山題名類志

唐元結九疑山無為洞詩刻未見

躬耶齋文鈔 卷十九 地志 六 越峴山館彙

永福寺旁即無為洞洞門旁刻元次山詩惜漫滅不能讀何志

偉游九  
疑山記

唐元結九疑山無為洞天四字存

岩虛洞一名嘉魚洞元結改曰無為洞篆刻在焉格古要論

省志云案道州新志又云元次山題曰無為洞據九疑山志  
有宋治平四年沈紳與蔣之奇取元次山無為洞天四字正  
其體篆刻於巖竇云云則結所題實係無為洞天四字而非  
無為洞三字也

今洞口之內其東壁刻無為洞天四字書四篆字余遊時水大  
僅露無為二字字徑數寸洞低口直立望不能見必臨傍於  
水之西涯斜眺乃見之能車耳其水當可全見此書筆法奇  
縱始唐時元刻惜未見其名識洞外石壁上又有無為洞直  
書三真字必是宋人所為又李挺祖亦有三字橫刻山志俱  
未明晰也疑

唐懷古亭石刻伏 在道州懷古亭西石上有州刺史河內字

又有前江華令瞿令問書石之趾有二三十字末有大厯字

八分書輿地紀勝

唐嶠臺銘存

晤臺銘 有序 河南元結字次山撰 涪溪東北廿餘丈得怪

石焉周行三四百步從未申至丑寅涯壁斗絕左屬回鮮前

有磴道高八九十尺下當洄潭其勢硯礮半出水底蒼蒼然

泛泛者在波上石顛勝異之處悉為亭堂小峯嵌竇宜閣松

竹掩映軒戶畢皆幽奇於戲古人有畜憤悶與病於時俗者

力不能築高臺以瞻眺則必山巔海畔伸頸歌吟以自暢達

今取茲石將為晤臺蓋非愁怨乃所好也銘曰 湘淵清深

晤臺階峻登臨長望無遠不盡誰厭朝市羈牽局促借君此

臺壹縱心目陽崖躡琢如瑾如珉作銘刻之彰示後人 有

唐大厯二年歲次丁未六月十五日刻

晤臺銘 元結撰篆書無姓名 金石 通志畧作李庚篆書殆

季康之誤 金石

元結次山撰晤臺銘見歐陽永叔集古錄中次山凡文多從

躬恥齋文鈔

卷十九 地志

九 越峴山館棗

顏尙書真卿李學士陽冰索書此篆書不知陽冰作者或自

作之次山於文爾雅然不能高而愛身後名其銘亦類是昔

杜襄陽峴首一絕頂一深澗日吾懼千秋後之陵谷也嗚呼

古人之於名如此 弇州山人

晤臺之前峻崖矗起得晤臺銘二百一十餘字篆書無書者

姓名字闕一寸七分蓋未視茲刻之

奇俊也錢邦芭搜訪涪溪古蹟記

案集古錄止載晤臺一銘無涪溪唐亭二銘金石錄止載涪

臺唐亭二銘亭銘注瞿公問書臺銘篆書無名氏近日干奕

正司直又僅載涪溪一銘云李康篆涪溪志云海涪唐亭二

銘尚黃山谷與陶揆同遊搜得之意歐陽作集古錄時二銘

尚幽翳荒僻未之見邪然趙明誠銳錄唐亭而遺涪溪奕正

亦錄涪溪而復遺唐亭又何也又案涪溪集蒼長老新公書

云涪溪銘筆意甚佳以字法觀之晤臺銘亦季康篆也知金

石志李乃季石之謬書又云又有袁滋篆唐亭銘三十六行

凡唐亭東崖石上刻次山文又袁滋篆唐亭銘三十六行

谷題壁又云唐亭東崖銘刻數百字皆江華令瞿令問玉筋

篆更不云袁滋與書語矛盾金石錄後出蓋以題壁為據畧

無辨證凡此數端皆不可解

賦斜辭厚難搨而篆筆特佳視臺銘更勝



有峒臺銘後題大厯二年歲次丁未六月十五日刻次山向  
有涪溪唐頤二銘皆罷令問篆書以地僻鮮厚難榻惟此銘  
世多則次山自出新意各之書家以開筆也說文只有涪字  
而爲之篆所謂自我作古也李少温名陽永本取木華海曠  
陽水不治之義其兄漸字堅冰皆冰雪之冰也而少温書名  
亦從俗作冰蓋由楷書借水爲父相承已久章奏告身既用  
水字篆書不便更易故爾禮記禮記今  
峒臺銘首尾共十五行文獨參差二行不齊篆書無姓各結體頗  
就屋石高低鑄鑿故二行獨參差二行不齊篆書無姓各結體頗  
類涪溪銘或如山谷所云一人之筆也書多俗體不合六書  
之古王述奔少司寇據說文等書正之是也而云百竟作自  
今細審石文似自上一畫作百正字之謬體也屋宇從  
水從山皆徐俗體而此刻序既作涯銘又作崖至暢達之暢  
說文作暢乃從田旁後代書家於田字中豎偶出頭尾作申  
因相沿從申旁與未申之中從日從一者不同而此序暢字  
偏新竟似從申之古文作  
此銘鋒勢秀整儼若新刻與潘稷堂見時無異固由刻之精  
深始亦有神物護之不使剝蝕耶禮記禮記

唐唐亭銘

唐唐亭銘 袁滋上下俱 涪溪之口有異石焉高六十餘  
尺周回四十餘步山面在江中東望峒臺北面臨大淵南枕

躬恥齋文鈔

卷十九 地志

二 越峴山館

涪溪唐亭當崖石上異木夾戶疎竹旁檐瀛洲言无由此可  
信若在亭上目所厭者遠山清川耳所厭者水聲松韻霜朝  
厭者寒日方暑厭者清風於瘴厭不厭也厭猶愛也命曰唐  
亭旌獨有也銘曰 功名之伍貴得茅土林壑之客所耽水  
石年將五十始有唐亭恆心自適與世忘情亭旁石上篆刻  
此銘 有唐大厯三年歲次戊申閏口月九日 林雲刻  
右唐頤銘其文自左而右篆法與峒臺銘相似而字較小說  
文高小堂也或作廡讀去穎切與亭字音義各別次山此銘  
本是頤字俗儒罕通六書誤讀爲唐亭失之遠矣碑書厭爲

峒蓋取省文但厭當從廿此却從自未合六書之旨 潛研堂金石跋

唐亭銘篆書其敘與銘及年月日刻人姓名共三十行又前  
標題爲一行唐亭銘三字徑二寸強標題之後約有五行應  
是次山及書人官銜姓名而第五行有袁滋二字尙可辨餘  
皆模糊不清卽山谷與新公書所云爲涪溪所敗也統計行  
數正與山谷言三十六行合其字則皆徑一寸三分此刻  
既趙二公皆未見王阮亭先生誤以金石錄所載承秦二年

撰令問所書之寒亭論當之政輿地紀勝謂爽亭在江華縣  
隔江舉故云蓋次山官道州刺史時令問次山伯大暑登之疑  
故即令問公篆書今道州有公所書袁尊銘石刻後題曰口  
陽華嚴銘皆永泰二年令問撰也樂泉記亦刻於銘年  
十一月與崇尊銘同至涪溪諸刻有年月可攷者如瞻臺銘  
為大厯二年唐亭銘非永泰二年石堂銘為大厯六年申興  
額刻於大厯六年皆非永泰二年則知趙德甫所載永泰今  
年令問公所書者必非唐亭銘矣又山谷謂此銘袁滋篆今  
審書不刻袁滋二字姓名顯然可辨其非令問公書更無疑義  
史元結請書自解其義結重之歷官至中書侍郎同平  
章事後終湖南觀察使工篆隸有古法此書於道州讀書  
尚在建中元年前十三年蓋正德深依次山於道州讀書  
時也篆書多用古體結構頗似石鼓文其書戶作泉遠作遠  
風作風與文將字作灑乃借川古文印字昌用擴文重  
見許氏說文將字作灑乃借川古文印字昌用擴文重  
即借作伍字高字或作廐乃從戶頂此從戶頂為異鼓吹之  
吹欲說文作歐此依周禮用省文作歐其餘高作愈州作州  
韻二書中者雖說

唐右堂銘 存 文已殘闕

右堂銘 元結字次山撰 大厯六年歲次辛亥閏三月

身取齋文鈔 卷十九 地志

三 越峴山館采

唐右堂銘元結撰篆書無姓名大厯六年閏三月 金石錄

右堂銘元結撰高重明書 墨池編

案山谷題壁有所謂右堂銘者今次山文編不載金石錄僅  
劉其目皆無可及而墨池編以為高重明書不知何據疑  
右堂銘篆書三字約二十許左有大厯六年四字又有元結  
字次山撰六字尙可識編

右字可辨首尾共十六行行低一字題右堂銘三字次行低  
七字四十字之前二行首行低一字題右堂銘三字次行低  
六字題元結字次山撰六字尙有數字已磨滅矣字體八分  
許文首行標右堂銘三字而當文之中六行上有橫題篆書  
右堂銘三字作額字長徑三寸許橫徑二三分亦左行筆法  
絕似瞻臺銘疑出一人之手案此刻始著錄於趙德甫金石  
錄云篆書無姓名朱長文墨池編則云高重明書不言是篆  
是正今以石刻證之知趙氏誤也石刻年月下及後行皆漫

未識右堂銘前人又未有著錄全文者予身至涪溪訪得於  
西放宋皇祐中孫適三絕笑賦云東屋之巖次山嘗銘石堂  
部右堂之故基也自次山後其堂遂圯至宋熙寧間邑侯童  
田蔡君瓊作亭於其上更名曰笑賦云云今石刻在瞻臺之

田蔡君瓊作亭於其上更名曰笑賦云云今石刻在瞻臺之



上勝異亭之後想卽當時右堂之故此也宋以來著錄金石家及縣志溪志從未言次山之有中堂今據此文則有中堂明矣又見存唐屋石刻朱潘運判官屯田故居讀中興頌各云治平四年孟春丙子訪潘溪元子次山故居讀中興頌

唐中興頌

序

大唐中興頌序 尙書水部員外郎兼殿中侍御史荆南節

度判官元結撰 金紫光祿大夫前行撫州刺史上柱國魯

郡開國公顏真卿書 天寶十四年安祿山陷洛陽明年陷

長安天子幸蜀太子卽位於靈武明年皇帝移軍鳳翔其年

復兩京上皇還京師於戲前代帝王有盛德大業者必見於

歌頌若今歌頌大業刻之金石非老於文學其誰宜爲頌日

躬耶齋文鈔

卷十九 地志

三 越峴山館采

噫嘻前朝孽臣姦驕爲昏爲祿邊將騁兵毒亂國經羣生失

甯大駕南巡百僚竄身奉職稱臣天將昌唐繫睨我皇匹馬

北方獨立一呼千麾萬旗戎卒前駢我師其東儲皇撫戎薨

讓羣兇復復指期會不逾時有國無之事有至難宗廟再安

二聖重歡地闢天開蠲除秒災瑞慶大來凶徒逆儔滿滿天

休死生堪羞功勞位尊忠烈名存澤流子孫盛德之興山高

日昇萬福是膺能令大君聲容法法不在斯文湘江東西中

直涪溪石崖天齊可磨可鐫刊此頌焉何千萬年 上元二

年秋八月撰大厯六年夏六月刻

右大唐中興頌元結撰顏真卿書書字尤奇偉而文詞古雅

世多模以黃絹爲圖障碑在永州磨崖石而刻之模打既多

石亦殘缺今世人所傳字畫完好者多是傳模補足非其真

者此本得自故西京西臺御史李建中家蓋四十年前崖石



真木也尤為難得爾錄古

在祁陽涪溪石崖上俗謂之磨厓碑又案練潛曰熙甯間作

笑岷亭記曰次山文道勁魯公筆畫口口皆有以驚動人耳

中興頌刻永州涪溪石斷其崖夫詩此涪下缺字當是未

文卓然振起衰陋自以老於文學故頌國之中興數百年

封豕固遠望雲煙外至者仰而玩之其亦天下之偉觀者邪

按出師數百年外故其言危苦冷然一色大抵以簡潔為主

厲自將嘗日山蒼然一形水冷然略無時習態氣貫奇古

退之評其文謂以所能鳴者余謂唐之古文自結始至愈而

乾道成卯二月十九日游涪溪涪溪近山石澗也噴薄有聲

流出江中臨江石崖數壁纒高尋丈中興頌在最大一壁之

宋馬永卿曰中興頌云復復指期此兩字出漢書匡衡傳云

時奏言宜置三公官又與翟方進共奏罷刺史更置州牧後

皆復後故注云飲其舊也下復扶日反罷刺史更置州牧後

唐中興頌亦元公之文有以助其筆力故與山水相映發耳

躬取齋文鈔

卷十九 地志

壹 越峴山館栗

案頌頌者元緒新唐書傳史思明亂命結發軍挫賊南鋒結

度使呂諲請益兵拒賊帝進結水部員外郎佐諲府與碑題

街合呂諲傳稱上元初拜荆州刺史上元二年正與兩節度

使別結之為判官亦在其時頌撰於上元二年正與兩節度

也碑題頌真測書末云大原六年夏六月刻頌真卿官撫州

刺史亦在大原六年則武元結撰頌後兩京等事唐書蕭

宗本紀至德二年二月丙午上皇天帝至自蜀郡則撰頌

又在還京後四年頌厓在祁陽涪溪涪溪亭銘俱在時寓居

於此不知何以刻此頌蜀遷至大原六年也此碑為阮族姪宸

官永州知府木家為精室簡次山所願無春秋樹木之意

較之外閒傳不足憑王密簡次山所願無春秋樹木之意

山谷所言殊不足憑王密簡次山所願無春秋樹木之意

正翰編 厓石在涪溪之東北高二十餘丈橫澗二十餘丈厓頗多老

樹蔭其下三丈許平垣如削石色清潤元次山因安史既

不作大原中興頌請頌魯公楷書鐫於厓壁上共三百三十

二字大原中興頌在涪溪厓石一刻意書之縱橫九尺二寸又

右頌魯公書中興頌在涪溪厓石一刻意書之縱橫九尺二寸又

與前後題款共二十一行行二十字正書左行孫氏星衍裳

字詩碑錄載四川劍州有此碑翻刻本題對

案今道光八年拓本漸多所裂橫紋侵損不少左行祿字損

員殿二字小損第三行元字小損結字大損第四行祿字損

撫字小缺第五行公顏真三字皆小損第六行山陷二字小



撰第七行靈字損半第八行其次京字小損第九行德字及其下業字小損第十行察大二字小損第十行末千磨二字小損第十四行或薦四字小損第十五行其次復字及指字損第十六行廟再安祇四字小損第十七行大儻二字損漏字損半功字小損第十八行忠烈二字損半流字小損二十行潁字子皇帝皇儲皇宗廟二聖皆空三字大駕我皇及唐字皆空二字惟大君二字不空官銜低三字書亦今擡寫之故事也

唐 涪溪銘 存

涪溪銘 序 道州刺史河南元結字次山撰 篆 此字之上 文已漫漶

涪溪在湘水之南北匯於湘愛其勝異遂家溪畔溪世無名稱者焉為自愛之故命曰涪溪 □ □ □ 銘曰 湘水一曲淵

回旁山山開石門溪流潺潺山開如何巉巉雙石臨淵斷崖隔溪絕壁水實殊怪石又尤異吾欲求退將老茲地溪古荒蕪蕪沒蓋久命曰涪溪施吾獨有人誰遊之銘在溪口

涪溪銘李庾篆書在永州 通志略 碑文 攻李庾作李康

躬取齋文鈔 卷十九 地志 三 越峴山館 乘

專人辱書勤懇并惠送季康篆元中丞涪溪銘筆意甚佳以字法觀之晤臺銘亦季康篆也然猶有袁滋唐亭銘三十六行何不見惠滋唐相也他處未嘗見篆文此獨有之可貴也凡唐亭之東厓石上刻次山文合袁滋季康篆共七十一行為厓溜簷水所敗當日不如一日矣若費三十竿大竹作厦更以香槽走簷下其下開掘沙土見厓令走水快亦使元公

房祠乾潔院門免時有聒噪也 黃山谷答涪溪 長老新公書

涪溪晤臺唐亭者在今永州府祁陽縣治南五里唐元結次山愛其勝異遂家其處命名制字皆始於結字從水從山從广曰吾者旌可獨有也案晤唐字韻書無之蓋制自次山從本鄧珣水名古有此字湘江之溪命名涪則自次山耳韻唐亭銘猶刻在平厓涪溪銘石面凸凹字亦大小長短橫斜不一應是厓石生長以致字形改變耳 韻書 趙德甫王弇州紛異說王阮亭亦再三辨證無所得攷 案晤臺銘篆書石刻無姓名其後黃山谷趙德甫王弇州紛異說王阮亭亦再三辨證無所得攷 定佩文齋書譜載李略云唐永州涪溪銘晤臺銘並李庾篆書唐書宗室世系表略云唐虞為襄邑恭王神符之後湖南觀察使兼御史中丞唐書家中無李康名亦無所為季康者阮亭以李字為季字之譌今始知李字未譌而康字乃庾字







唐寒泉銘

快 元結撰

涪溪

唐張謂虞帝廟碑

今佚。○別有元結碑加名以別之

潭州刺史張謂為字文宣撰

九疑山志

案一統志謂張謂元宗時刺史省志金石門長沙風土記下

斷為大厯三年任刺史本碑條下又据邵陽縣志謂元和時

作竊意九疑山志既稱潭州刺史作其在大厯中無疑所云

字文宣攝邵陽令

舊志謂作邵陽

疑是營陽之誤其碑似當在道州

近城之地惟碑銘云九疑嵯峨則又似指甯遠而言然永泰

距大厯不遠道州新建之廟豈煩更置自以在甯遠城隅為

合至御史攝令恐尙有闕文者以邵陽之官越州建廟於理

斷不能合因傳異縣名竟以九疑之廟歸屬邵陽則更誣矣

唐懷素自敘帖

存

模刻

唐僧懷素自敘草書大厯十二年十月

金石目錄

躬恥齋文鈔

卷十九 地志

美 越峴山館

永州僧懷素學草書坐臥想成筆畫三十年無完衣被乃得

自各一家體則 浩翁嘗言元和中與子瞻穆父飯寶梵僧舍因作草數紙子

瞻賞之心不曰穆父無一言問其所以但云恐公未見藏真真

蹟庭堅心竊不平紹聖貶黔中得藏真真自序於石揚休家語

概數日恍然自得落筆便覺超異回視前日所作可笑也然

恨其不及見矣 懷素自敘帖舊藏宜興徐氏後歸吾鄉陸全卿氏其家已刻

石行世以敘帖一似覺跋勝 素師自敘帖一百廿六行唐時未有石刻墨跡流傳在宋時

共有三本此本曾入南唐御府後歸蘇子美家又歸邵稽仲

昌嶽老有當時諸鑒家題識皆真蹟也考岳珂寶真齋法書

譜中載張旭書春草帖後有南唐昇元三年十一月齊記所

列銜各有周崇英王紹顏題銜與此同乃知此題王者王

紹顏也此帖据寶章待訪錄云此帖藏荆門寺江陰徐泰家後歸

徐文靖父歸吳文肅最後為陸家宰所得陸被禍遂失所傳

其後獲觀因雙鈎入行云云此本帖是一行疑即劉青藜所云

博小楷書釋文廿九行又年月姓名一行疑即首題唐僧懷

文氏刻本而未見符詁跋語豈招工偶遺之邪首題唐僧懷

素自敘帖隸書七字帖中紙接處有陽文建業文房之印乃

南唐御印也前後共五其諸家圖章則有許國後裔佩六乃

印之齋壘口二字各五四代相印即趙氏藏書六代相印之齋各半宋

首又有陰文物外奇寶及趙氏藏書六代相印之齋各半宋

人題跋行間有陽文邵川文房之印二後有趙氏子孫孫



其承保用陽文長印及得全堂印方圖章外舅少詹錢先生跋此帖云宣和書譜云藏真俗姓錢故此帖稱司勳員外郎起爲從父若聖母帖所云從叔父淮南節度使者計其年當是杜佑帖尾亦無素師名疑非出藏真之手素師絹本于女後題貞元十五年時六十有三據此推大厯十二年當是四十一歲宣和御府所藏懷素草書百有一通自敘帖其一也卽空書所云馮當世家本後歸上方者保之符文等一跋題云壬子蓋朱思陵絹與二年也中溶案文壽承釋文水鏡又義獻茲降之茲原文作<sub>立</sub>無首疑係喻字傳模脫去日旁插入近類一點案之文義當作以搭素師後書似字作以證之亦當釋作以爲是疑亦傳模時偶多一二筆致譌耳拙書賀老粗知各之粗原文物其爲總字顯然而致釋作拙書承精於草書猶有此失真處可見審古之難文中云模楷精法詳特爲真正案之文句法字卷首一幅其文集賢核理辨懷素草聖自敘藏蘇泌家亡其卷首一帖後有魏良臣跋又卽補之今在淳熙秘閣續帖中字態如出一手幾不可辨校古要論云懷素草書自敘宋舜卿補一帖後有魏良臣跋又建業文房印在耀州三原縣然則此帖宋時已有石刻矣又歐公集古錄有跋唐僧懷素法帖云大厯十二年似卽此自敘帖也但未詳其何本耳釋林嘗見三原刻本推勁中有右意視此刻有聖凡之別其題識大都後人所增或傳是南渭故藩所刻而不實志模刻年月使慮僧冒唐刻之名殊不可解也

唐題朝陽巖詩存

李舟撰并正書大厯十三年九月李當牛

躬恥齋文鈔

卷十九 地志

毛越 岷山館栗

崔詩附錄 金石

唐懷素聖母帖存

模刻

釋懷素書 正書

聖母開口主 似言字不全

筆畫疾 釋遂奉上

清之教旋登列聖之位仙階崇者靈感遠豐功邁者神應速乃有真人劉君擁節乘麟降於庭內劉君名綱貴真也以聖母道應寶籙才合上仙授之祕府餌以珍藥遂神儀爽變膚豁纖妍脫異俗流鄙遠塵愛杜氏初怒責我婦禮聖母脩然不經聽慮久之生訟至于幽圜拘同羗里條 字 寬裳仙駕降空卿云 上似 似 臨戶顧召二女踐虛同升旭日初照聳身直上旌幢彩煥輝耀莫倫異樂殊香 字 似 空方 似 亦康帝以爲中興之瑞詔於其所置仙宮觀慶殊祥也因號曰東陵聖母家于廣陵仙子東土曰東陵焉二女從升曰聖母焉遠宇旣崇眞儀麗 似 復 遠近歸赴傾市江淮水旱札瘥無



不禱請神貺昭答人用太康姦盜之徒或未引似是咎則有

鳥禽翔其廬上靈徵既降罪必斯獲閭井之間無隱慝焉自

昔暨隨年將三百都鄙精奉車徒奔屬及煬帝東遷運終多

忌苛禁道侶元元下空九聖丕承慕揚至道眞官祕府罔不口

字畫不全建况靈縱可口道化在人雖蕪翳荒須字畫有議

而眞禱雲集棟宇未復耆艾銜悲誰其興之粵因碩德從叔

父淮南節度觀察使禮部尙書空監軍使太原郭公道冠方

隅勲崇南服淮沂既口口作而不朽存乎頌聲貞元九年歲

在癸酉巳月草書分刻二截上截廿八行下截廿四行

元祐戊辰仲春模勒上石篆書一行

左拾遺裴休試大理評事柳乘鄉貢進士柳槃太和四年十

月十二日同登正書五行

藏眞此書殊合作授裴像爽等字雜章草法彌足愛也鍊

躬邱齋文鈔 卷十九 地志 天 越 峴山館 栗

刻手極佳與藏眞律公帖俱不失素師筆意

有聖母帖不着撰人姓名相傳以爲僧懷素書致宣和書譜

云懷素長沙人俗姓錢故自敘帖稱司勳員外郎吳興錢起

爲從父此帖有從叔父淮南節度觀察使禮部尙書雖不書

名以史證之則是杜岐公佑也錢興杜不同宗疑非藏眞所

書如果出於藏眞則撰文必別是一人矣或以爲皇從叔父

聖母帖草書共五十一行係宋元祐三年二月刻石此帖墨

蹟鈎摹上石時如第一八行下數字及第十十六行竟缺其空

字第十七行雲字第十八行下數字上字俱有殘缺其餘筆

畫亦有傳模失真之處頗難審讀前輩未有釋文予細加攷

識尙有十餘字未敢遠信姑從闕疑文中敘東陵聖母四聖

之義謂聖母家於廣陵仙於東土東陵焉二女從升日聖

母焉聖尙書引禹貢東陵及漢志東陵鄉以諸東陵二字似

非其義又謂文稱皇從叔父淮南節度觀察使禮部尙書太

原郡公而不署名今審從上並無皇字錢少詹已正之矣至

郡公之郡與素師書千字文中郡字不同以草法攷之宜是

郭字案郭氏望出太原則讀爲太原郭公義亦可通要之此

刻草書出自素師其文必非素師所作也文有元元中立元元

承葉揚至道眞官祕府罔不遊建云云乃指開元元元聖不

皇帝廟事又自太宗至德宗貞元時其九世故云九聖也帖

後但有勒石年月而無姓名疑亦出於游景叔輩所爲其後

又有太和勒四年裴休等題各而云同登則必是登臨遊覽題

記而非此帖之題跋矣文中神儀之儀黃伯思作像非是又

明宏治二年晉世子寶賢室帖第十卷懷素書有此帖其缺



處悉同似出一本耀  
王煦等省志云案粹  
帖六篆字審其字蹟  
不獨行款字數更易  
怒責我婦禮聖母飾  
甚推求其故此十六  
一行表水誤裝於後  
和題名仍模刻目不  
所謂左故今据西安  
學可美放也而以同  
錄天瑞石蓋卽相傳  
所成故以名帖藉示  
模刻

唐懷素千字文

存

千字文 僧懷素 勅員外散騎侍郎周興嗣韻

藏真千字文真蹟舊著之於江南李氏紙尾有後主錯金書  
題云懷素僧草聖戴叔倫詩云詭形怪狀翻合宜誠哉是言  
其後此真蹟又轉蓄於董令升家紹興閒歸天上矣桂林有  
此石刻余嘗得摸本於取古人書評疏於後見東坡於此書  
且褒且貶深竊怪之其言曰僧藏真書七紙開封王君馮所  
藏君侍親深涼始得其言二而兩紙在張鄧公家其後馮意  
當世又獲其三蹟所從得者已不可攷然筆勢奕奕七紙意  
相屬也君鄧公外孫而與當世相善乃得而合之余嘗愛梁  
武帝評書善取物象而此公儻木不求工而能工如此如沒  
其書之工也然其爲人儻木不求工而能工如此如沒  
之燥舟無意於濟否是以覆卻萬變而舉止自若其近於道  
者邪張長史草書頽然天放略有點畫處而意態自足號稱  
神逸此其褒之也又其詩曰顛張醉素兩禿翁追逐世好稱  
書工何曾夢見王與鍾安自粉飾欺有如市倡抹青耶  
妖歌嫵舞醉兒童此其貶之也至於治翁則云張長史書耶  
官聽壁記楷法妙天下故草聖度越諸家無轍述可尋懷素  
長史尚書道張長史書意故獨工此兩入者一代草書之冠  
見頻尚書道張長史書意故獨工此兩入者一代草書之冠  
覺也詳味其言真確論矣  
王臨等省志云秦繇天庵有懷素千字石刻似是西安石刻  
之臨本也後有年月日名首尾共一百三十六行不獨行款  
俱不符并脫去黍稷之黍而說出於後誅斬盜賊之誅字下  
致停雲銷帖編本千文六月既望懷素書與自敘帖尾無字  
月此未刻此十二字從何得之石首亦題緣天荅瑞石帖六  
不異未知此十二字從何得之石首亦題緣天荅瑞石帖六  
篆字後有藏真二字陽文明諸名家鑿沙懷素書印六字大陽  
印蓋骨董家作偽所爲未可爲善本也今据西安本正之○  
案此刻賞鑒諸印惟袁忠徹溫如玉錢唐石某可辨大都明  
初人刻多其刻時當在中明之世篇內淺摩之摩幾不可識  
此外曉縱亦多異元本模  
手刻工皆遠不逮陝也

卯取齋文鈔

卷十九 地志

玉露凋傷楓樹林巫山巫峽

秋興八首  
唐懷素書杜詩秋興八首存  
草  
唐懷素書  
正  
玉露凋傷楓樹林巫山巫峽



氣蕭森江間波浪兼天湧塞上風雲接地陰叢菊雨開他日  
淚孤舟一繫故園心寒衣處處催刀尺白帝城高急暮砧

夔府孤城落日斜每依北斗望京華聽猿實下三聲淚奉使  
虛隨八月槎畫省香爐遠伏枕山樓粉堞隱悲笳請看石上

藤蘿月已映州前蘆荻花 千家山郭靜朝暉日日江樓坐  
翠微信宿漁人還泛泛清秋燕子故飛飛匡衡抗疏功名薄

劉向傳經心事違同學少年多不賤五陵裘馬自輕肥 聞  
道長安似奕棋百年世事不勝悲王侯第宅皆新主文武衣

冠異昔時直北關山金鼓振征西車馬羽書遲魚龍寂寞秋  
江冷故國平居有所思 蓬萊宮闕對南山承露金莖霄漢

閣西望瑤池降王母東來紫氣滿函關雲移雉尾開宮扇口  
繞龍鱗識聖顏一臥滄江鶯歲晚幾回青瑣點朝班 瞿唐

峽口曲江頭萬里風煙接素秋花萼夾城通御氣芙蓉小苑  
躬聆齋文鈔 卷十九 地志 三 越岷山館聚

入邊愁珠簾繡柱圍黃鶴錦纜牙樯起白鷗回首可憐歌舞  
地秦中自古帝王洲 昆明池水漢時功武帝旌旗在眼中

織女機絲虛夜月石鯨鱗甲動秋風波漂菰米沉雲黑露冷  
蓮房墜粉紅關塞極天唯鳥道江湖滿地一漁翁 昆吾御

宿自透迤紫閣峯陰入漢陂香稻啄餘鸚鵡粒碧梧棲老鳳  
凰枝佳人拾翠春相問遷侶同舟晚更移絲筆昔曾千氣象

白頭吟望苦低垂 右壬辰三月二日懷素書 草書詩餘年  
月題款共八

王煦等省志云案懷素書秋興八首石刻在緣天庵今本杜  
工部集泛泛作汎汎裴馬作衣馬奕棋之棋作碁碁乃碁之

俗字作棋爲正奔字當從亦從升與奕世之奕有別此帖下  
從大非 洲前之洲當有水方而此作州帝王州之州不

有承方而此反作洲皆非是此帖亦近人臨摹不知本所  
出前題唐懷素書四字下有陽文長圓印刻墨池飛出北溟  
魚七字皆近人手筆也帖尾有壬辰三月而無紀年案懷素  
稱本千文書於貞元十五年自署年六十有三又東書堂帖  
載其貞元十二年一帖自注時六十一記年歲與千文合則



懷素生於開元二十五年丁丑至天寶十一載壬辰年止十六其後壬辰則為憲宗元和之七年懷素年已七十有六矣案此書曾見祝允明墨跡與此絕肖並不著其何人書蓋為明時書家所尚可知也

唐懷素論書帖

正書

右軍云吾真書過鍾而草故不減張僕以為

真不如鍾草不及張所為世之所重以其能懷素書之不足以為道其言當不虛也

省志云此帖草書名行刻在淳化閣帖第五卷末題僧素書啟宣和書譜載御府所藏懷素草書一百有二內有論書帖疑即此又米芾謂是帖與章帝草書一石近人從閩帖轉模更無可取法與懷素諸帖不類此石乃唐人書間帖轉模更無可取案各帖後刻庵僧楞叔輝所繪墨梅蘭竹同嵌於壁其上亦有山人章詢此帖必撈手所續模也

唐李白贈懷素詩

存

模刻

李白贈懷素草書歌

少年上人號懷素草書天下稱獨步

墨池飛出北溟魚筆鋒殺盡中山兔八月九日天氣涼酒徒

詞客滿高堂賤麻素絹排數箱宣州石硯墨色光吾師醉後

躬恥齋文鈔

地志

卷十九

越峴山館采

倚繩床須臾掃盡數千張飄風驟雨驚颯颯落花飛雪何茫茫

茫起來向壁不停手一行數字大如斗怳怳如聞神鬼驚時

時只見龍蛇走左盤右蹙如驚電狀如漢楚相攻戰湖南七

郡凡幾家家屏幃書題徧王逸少張伯英古來幾許浪得名

張顛老死不足數我師此義不師古古來萬事貴天生何

必要公孫大娘渾脫舞

唐僧懷素書藏真律公二帖最號精妙自五代已來為予亡友安思孟家藏後為王思同子孫所有近歲復歸於安氏豈斯文之顯晦亦有數邪因模刻於長安潛臺之南廳及明諸公題跋李白所贈草書歌同附於卷尾傳諸好事云元祐八年九月初一日武功游師雄景叔題李白贈懷素草書歌宋元祐八年游景叔附刻於藏真律公三帖諸題跋之下今見在西安府學案此詩亦見宋胡仔漁隱叢話九日作九月屏幃作屏幃此義作此藝似較游初為勝然穆氏翻刻宋本李翰林集只月障二字與漁隱叢話合其藝字亦作義昔東坡翁謂太白集中有歸來乎笑矣乎及贈懷素草書數詩決非太白作蓋唐末五代間學齊已輩詩也予攻素生於元宗開元二十五年太白卒於代宗廣德初大白流夜郎還得陽往來湖湘間約計素時止二十餘歲詩云少年上人號懷素是也然自敘稱作於大曆十二年素年



已四十行一如大白果有贈詩何以自敘怡麻數當時名家贈句獨無一語及之又詩中有湖南七郡凡幾來之句攷新唐書唐初分天下爲十道開元中又分置十五道采訪使且時今湖南諸郡隸江南道分有十餘郡置止七郡而已其湖南之稱始於唐未安得太白詩中用此東坡謂此詩唐未五代間人僞作確然無疑耀獻王煦等省志云案永州緣天慶近有李鶴字五章者行書此詩刻石題稱李白改作太白慶麻作麻慶悅悅作悅悅神鬼作鬼神右覺作右屈狀如作狀同其尤謬者中山兔誤作山中兔數千張之張誤作章

唐杜傑等浯溪題名未見

杜傑杜側貞元十八年三月十五日時討幽奇同遊至此

正書在祁陽縣寰宇訪碑錄 在磨崖石浯溪新志

余舊得浯溪杜傑題名上無年月其石上下斜缺左爲浯溪

銘眞書五行字法如禩帖缺石門崖將老茲地溪旌吾獨口

等字損絕壁有溪等字潺湲作潺湲古人疊文間有作又者

此誤多一畫耳隔溪作夾溪荒蕪作荒溪不著何人書其右

題名三行每名空一字字較大乃近顏魯公行書其名爲口

躬恥齋文鈔 卷十九 地志 越峴山館

水尹海略陽權克口杜傑杜側成萬王裘邱仇邱存節案溪

志乃貞元間人也帶雲龕金石審 文見職官表

唐廳壁後記未見 在道州呂溫撰碑在天慶觀名勝志○案今道州志已無所

唐陽城謁五龍祠石刻伏

陽城謫道州未行有書生五人訪城冠帶甚弊城各以一練

與之比至道州城謁五龍祠其縑皆在神坐側今刻石載其

事孫公誠圖

王煦等省志云案晏殊類要亦載此事據新唐書循吏傳城

知道州在德宗貞元間石刻未知在何時於附於此

唐馮敘等華嚴巖題名 承州刺史馮敘承州員外司馬柳宗元承州員外司戶參軍

柴察進士盧禮進士柳宗直元和元年三月八日宗直題

王視誤以宏禮作元禮宗直題作直題 正書十一行左行案題名柳宗直柳宗元唐書宰相放系表

但有宗元而無宗直柳河東文集有從父弟宗直續志知宗直爲宗元之從父弟也續志稱宗直字正夫善操弧牘今題名是宗直書宗直雙名而題名單舉直字他石刻未見承貞元年宗元敗永州司馬此題名在元和元年三月蓋官永州未久也韋編

案此刻之左尚有四行可辨第一行一明字第二行一公字第三行一判字第四行有刑部員外郎字其下二字上一公字似李下一判字似遵或卽肅宗時爲永州司馬者乎王述庵氏所見殆模本有脫落處故致譌異耳前四行零陵補志亦未審出

唐含暉洞記未見

劉禹錫撰在道州

天下金石志

唐道州文宣王廟碑佚

永州刺史柳宗元撰元和九年八月

文載道州新志

柳宗元撰在道州

天下金石志云元和九年

唐覃季子墓銘佚

柳宗元撰祁陽縣志

躬恥齋文鈔

卷十九地志

唐零陵三亭記佚

柳宗元撰在東山之麓

文載零陵縣志

唐永州法華寺新作西亭記佚

柳宗元撰在法華寺側卽今高山寺故址上多古今名人詩

紀零陵縣志

唐柳宗元朝陽巖詩存

模刻

遊朝陽巖遂至西亭二十韻 唐永州司馬柳宗元

案此碑字迹飄忽而無精神刻又庸劣且具銜不稱員外司馬與華嚴巖巖異斷爲模勒無疑其旁有明嘉靖間通判蕭幹詩刻與此極相類則必幹所爲也

唐鈞潭西小邱記佚

柳宗元撰零陵縣志

唐冉溪八愚詩佚

柳宗元撰在永州府天下金石志

愚溪在府城西一里舊冉溪唐柳宗元改今名其詩之序云作八愚詩紀於溪石上柳宗元



柳集中八愚詩不全此真缺陷余僑承十餘年力求其殘碑  
片石而不可得惟此島諸迹略可追想一日偶於離落間見  
古砌之側有方石詩三並列歷有文惜盡剝蝕隱隱有柳  
子厚姓氏殆其刻詩處近日復往諦視荆可辨之字更迷離  
矣爲之太息  
而返闕觀

唐鉤鉤潭三字并詩 存 ○三字疑模刻

愚溪在永城西門鉤鉤潭所在僧指曰上行二百步卽是  
石上勒字可據余竊疑焉土人引至溪邊有危石斜立果勒  
鉤鉤潭三大字讀柳子厚記西山西北道二百步得鉤鉤潭  
西山去此尙二里之遙況山水形勢與柳文俱不合意鉤鉤  
潭當別有所在或因陵谷變遷失其故處俗流不學妄爲傳

會遂指此當之邪 縣志錢邦 芭遊記

許虬云巨石色如黛蓋鉤鉤潭三字斗大柳先生所製也屋  
南有詩剝落存癸酉二字老劉國梁前自能記此詩嘗聞  
南郭智未識北山愚試問溪中水潏潏卽自如河東信手拈  
句不拘韻脚邪勒於唐時之癸酉無疑因和之而更其未韻  
案詩果爲河東作未可知但五言絕句乃古體不應羅以近  
體詩韻竹隱豈未深究邪 補雜載

躬恥齋文鈔

卷十九 地志

雷越峴山錯采

省志云河東集不見此詩又宋江藻柳先生祠堂記云先生  
以承貞元年自尙書郎貶永州司馬至元和九年詔追赴都  
復出爲柳州刺史蓋先生居零陵者十年攷承貞元年乙酉  
至元和九年甲午其中並無癸酉則此詩殆後人所題也

柳宗元柳巖題刻 依

零陵柳巖愚溪多有柳題刻者 名勝志

柳巖在愚溪右柳侯祠西里許柳侯所常游也故亦因之  
崖可容數十人宋岳宰西里搜得之爲記 縣志  
柳巖今在平地有王伯清記者聞愚溪趙秀才云非其元處  
古巖乃在連結竟不能通  
其巖似確而可信也 關記

柳宗元南池詩碑 依

王照等省志云案零陵縣志云城內大街謙樓上卽古花  
月樓宋陶柳詩類名舊載零陵志碑字新鑄字厚詩縣志又  
載此詩於瑞蓮池云瑞蓮池府志載於城東卽南池錦查大  
龜蒂蓮於此故名舊志則二池各列又云慶爲總錦查大  
街有瑞蓮橋似池在此與總錦相合南池或另一處云云今  
案柳詩首一聯云五月柳蓮繁盛時準嶺同賞耶南池則瑞  
蓮池南池似卽一池欷柳宗元盛時有陪承州崔使君游謙  
南池序而無南池詩未知碑所刻何詩又攷宋章惇亦字子  
厚熙寧中奉使荆南平蠻獠開安化梅山城沅州然未聞其  
南池典故者乎此碑恐  
是宋人重刻宗元詩也



柳宗元羅池廟享神祠碑

柳子厚祠內舊摹刻柳先有唐沈傳師書碑見集古錄今廣西馬平縣蘇軾所書碑係宋嘉定中摹石此刻蓋以馬平蘇書本重翻也

唐孟簡九疑山無為洞題名

阻水未見元和間人在道州類編

王煦等省志云案孟簡新舊唐書俱有傳簡字幾道舉進士宏詞連中累遷倉部員外郎元和中拜諫議大夫出為常州刺史召為給事又出為浙東觀察使以工部侍郎召還進戶部加御史中丞又出為山南東道節度使左授太子賓客分司東都再貶吉州司馬進睦州刺史復徙常州仍太子賓客分司卒是簡未嘗官荆南不知何山至九疑題名然寶刻類編云元和間人其為即唐書之簡無疑簡與韓愈交見愈集又陝西華陰及廣西臨桂俱有元和元年題名九疑題名疑即起廣西時道經永州刻也

唐修浯溪記柳元友讓詩

有模刻

修浯溪記

元年再臨道州有軀伏亂活之恩封部歌吟芳

澆於永故去此五十年而俚俗猶知敬慕凡琴堂水齋珍植

嘉卉雖敬傾荒翳終樵采不及焉仁聲之感物也如此今年

躬恥齋文鈔

卷十九 地志

越峴山館采

春公季子友讓以遜敏知治術為觀察使袁公所厚用前竇

鼎尉假道州長史路出亭下維舟感泣以簡書程責之不違

也乃罄徹資俸託所部祁陽長豆盧下元空歸喜獲私尙會

余亦以恩例自道州司馬移佐江州帆風檝流相下元空畢

竇鼎竦然曰茲亭剏治之始既銘於巖側矣至於水石之秀

賦咏所及則家集存焉然自空閒時餘四紀士林經過篇翰

相屬今坊塤移舊手筆亡矣將編於左方用存此亭故事既

適相會盍為志焉余嘉其損約貧婁而能以章復舊志為急

思有以白之故不得用質俚辭命元和十三年十二月六日

江州員外司馬韋詞記 余自朗州刺史以奉法不謹謫佐

於道去年五月四日維舟於此負罪奔迫不及題記故於簡

餘書之 寶厯元年五月廿三日浯溪山客元友讓建 襄

陽羅消書 隴西安政興鐫 復浯溪舊居 浯溪山客元



文讓 昔到纜三歲今來鬢已蒼 剝苔看篆字 薤髮覓書堂

引客登臺上 呼童掃樹旁 石渠疎擁水 門逕劇藂篁 田地潛

更至林園盡 廢荒悲涼問耆耄 疆界指垂楊

韋詞撰羅清正書實歷元年五月碑金石目錄並說作涪

在永州鵝湖

案此碑金石錄墨池編二書皆著錄撰記者韋詞書所嘗居

逾五十年季子友讓言道州長史重到涪溪修其舊居而韋

詞記之也唐書元結傳稱結拜道州刺史請免百姓所負租

稅亡歸者萬餘即碑所云三萬餘又為民營舍給田免徭役

封部歌吟去此五十年俚俗猶知敬慕也但傳未嘗有可臨

道直次子友正載結有幾州集此碑知友讓為季子其長唐

詩與此同而題曰復游涪溪此刻題曰復涪溪書居詩玩詩

意云覓書堂云田地復游涪溪荒已詩首指垂楊則三歲今

營復舊之事為多不止於復游而已

來鬢已蒼可知友讓是時來五十餘歲矣記云路出亭下維

舟感泣殆即唐亭也又習但云涪溪山容殆以此為自號與

然以自號冠於姓名之上則始見於此

修涪溪題碑韋詞撰羅清正書實歷元年五月碑金石目錄

然以自號冠於姓名之上則始見於此

然以自號冠於姓名之上則始見於此

然以自號冠於姓名之上則始見於此

然以自號冠於姓名之上則始見於此

然以自號冠於姓名之上則始見於此

然以自號冠於姓名之上則始見於此

然以自號冠於姓名之上則始見於此

然以自號冠於姓名之上則始見於此

然以自號冠於姓名之上則始見於此

然以自號冠於姓名之上則始見於此

然以自號冠於姓名之上則始見於此

然以自號冠於姓名之上則始見於此

然以自號冠於姓名之上則始見於此

躬取齋文鈔

卷十九 地志

美 越 峴 山 嶺 采

元友讓題語唐語之後始署書人羅洵姓名後又附元友讓

復涪溪舊居五言律詩敘次無倫款式不雅可疑一也豆盧

下空六詞及相字讓假道州長史維舟亭下在憲宗元和十

三年春而女讓題語在敬宗寶曆元年上距已逾六年而云

屬令坊瑛移書于筆亡矣將編於左方用有林經故事題語

云負罪奔迫不及題記故於簡餘書之細玩語意似記文為

友讓編集涪溪諸名人題詠成書而作祐時專為修復涪溪

題名十九字亦不類為游涪溪而題之語恐其人碑即其所

宗至王侍郎謂傳未嘗有蕭宗上元間之事攻元次山於佐

荆南節度使昌諲府其時或會經湖游涪溪亦未可定今縣

志溪使俱改為元相刺道表揚於陵為嶺南節度使碎詞與

觀察使見唐書宰相刺道表揚於陵為嶺南節度使碎詞與

李朝在幕府咨訪得失見於陵傳又案舊唐書韋詞傳詞少以兩

之祖君於林冀卿洛陽丞父翊官至侍御史傳稱詞少以兩

辟為從事後累佐秘書省以參畫稱職元末東都留守韋夏令

入拜御史以事累出為學州刺史再貶江州司馬長慶初韋

處厚部郎中充京西北刑羅使尋為戶部郎中兼御史外郎

充鹽鐵副使轉吏部郎中元宗即位與李翱同拜中書舍人

出為潭州刺史御史中丞湖南觀察使在鎮二年







有此一詩洵可寶也  
韋綬  
涪溪屋間有皇甫湜詩刻十二行每行十一字正書洪咨齋  
陸放翁俱有題跋趙德甫全石錄亦載其目無年月咨齋隨  
筆錄其全篇爲啼素瀨作揚素瀨如有賴之賴作待與全唐詩  
同如全唐詩即以洪爲藍本也石刻完好無缺中行下有小  
注蘇頌二字金石萃編偶遺之又末題銜存新元二字可辨  
細審石刻其下尙有小注蓋字亦未題銜存新元二字可辨  
涪溪新志君可蓋作見冠蓋字一氣間作兩氣間皆非是耀  
唐李諒湘中紀行詩  
存  
在涪溪

湘中紀行 湘江永州路水碧山翠兀古木暗魚潭陰雲起  
龍窟峻屏夾澄澈怪石生溪渤巨艦時遑迴輕舸已超忽疾  
如奔羽翼清可鑒毛髮寂寞榜漁舟逶迤逗商筏我行十月  
杪猿嘯中夜發楓葉寒始丹菊花冬未歇凝流綠可染積翠  
浮堪擷峭倩每驚新幽奇信誇絕稠峯疊玉嶂淺浪翻殘雪  
石鷲雨中飛霜鴻雲外別  
通雁峯  
沂洞已勞苦覽翫還愉悅鶴  
嶺訪胎仙  
祁陽縣白鶴嶺道唐音亭仰文哲中丞次山所居  
土屈志靜得仙處  
川間有漁釣山上多薇蕨無以佐雍熙何如養鹿拙安人苟  
躬耶齋文鈔 卷十九 地志  
矣 峴山館栗

有績撫已行將臺此路好乘桴吾其謝羈紲 大和四年十  
月廿五日桂管都防禦觀察處置等使桂州刺史兼御史大  
夫李諒過此偶題并領男穎同登覽

案李諒兩唐書無傳全唐詩有其人小傳稱諒字復言三幸  
劇邑再爲郡牧終京兆尹而無詳所載詩但有蘇  
州元日郡齋感懷寄越州元相公杭州白舍人詩一首題下  
注云時長慶四年也而載此詩經中缺勅無從校補此詩  
題曰湘中紀行是官桂州刺史時經永州至此詩於唐亭者  
合而觀之是故先於長慶四年守蘇州元日詩句云新知四  
十九年非是長慶四年年五十也至此則五十六矣有一子  
名穎諒之可見者祇此鞋額  
李諒湘中紀行詩二十行行十三字正書左行述萃侍郎金  
石萃編所載闕十五字又溪渤之渤誤作勒積翠之闕誤作  
學蓋拓本未精之故予游涪溪親督拓工推打所謂闕誤者  
一一皆可辨識乃爲補之中云唐亭仰文哲亭字並不作廣  
此唐人手筆可見次山當時本用亭字也

唐王軒等涪溪題名  
存  
王軒 輅 李巖 大和五年五月廿四日  
王軒等題名三行篆書年月一行正書在涪溪李行修題名  
之下攷唐范攄雲溪友議載王軒游西江泊舟學蘿山下題







案開成五年正月武宗卽位次歲改元華嚴巖題名爲五年九月此爲次年三月相去數月則爲一人無疑袁子才詩作李垣官表尙兩存今斷從垣改定朝陽巖極石高窳昔人建茅閣處尙險臨深架板就拓多不能徧此石有十餘年尙未一見不知袁子才偶游何以卽月豈真迹隱見亦有時耶姑俟續獲攷訂

唐涪溪銘未見 盧倚撰夏中書會昌三年在永州寶刻類編

唐楊漢公涪溪題名佚 會昌五年十一月二日在永州寶刻類編

王廐等省志云案楊漢公新唐書附其父虞卿傳後史言由戶部侍郎拜荆南節度使此題名蓋其時刻也史未詳其歲月據此可以補之 案東觀奏紀漢公由荆南入爲工部尙書以不廉追論左遷及命刺同州又以貪殘封駁則其題名亦甚無足重也

唐房魯涪溪題名存 房魯昌五中冬六日來

房魯題名正書三行左行在涪溪李行修題名下攷魯字詠歸係太宗朝名相房文公元齡七世孫見唐書宰相世系表題元昌五中冬者蓋會昌五年十一月也涪溪新志不知房魯昌五之義改作房州魯昌五又於來下增此字又以上王

躬恥齋文鈔 卷十九 地志 罕 越峴山館采

軒等題名大和五年係於其前錯繆殊甚瞿木夫說

唐盧貞涪溪題名未見 在永州寶刻類編

十駕齋養新錄云盧貞字子業會昌五年爲河南尹白樂天九老會貞年未七十亦預焉時又有內供奉盧貞見唐詩紀事是唐有兩盧貞此題名者恐是九老會中人也瞿木夫說

唐黎埴涪溪題名未見 大中元年七月二日 在永州寶刻類編

唐韋瓘涪溪題名存

大僕卿分司東都韋瓘大中二年十二月七日過此余大和中以中書舍人謫官康州逮今王六年去冬罷楚兩刺史口次泗上口口口今年口月有桂林之命口口口繞口一千餘口口口口桂陽纔口數月口無口又蒙除口

次靈川聞改此官分司優閑國爲丞望宦途蹇薄因亦可知因宦官不了卻歸來還是在國一男子余洛川弊盧在崇讓里有竹千竿有池口畝罷郡之日口雙題鳥口雙鸞

石叟匠鬻鬪器匣因與猿鳥爲囚得喪之際豈足介懷

韋瓘涪溪題名大中二年十二月七日在永州類編

涪溪唐人舊題頗多其一云太僕卿分司東都韋瓘大中二

年過此余太和中以中書舍人謫官康州逮今十六年去冬

罷楚州刺史今年二月有桂林之命纔經數月又蒙除舊行

次靈川聞改此官分司優閑誠爲忝幸案新唐書瓘屢仕中

書舍人與李德裕善李宗閱惡之德裕罷相貶爲明州長史

終桂管觀察使以題名證之乃自中書謫康州又不終於桂

史之誤如此瓘所稱十六年前正當太和七年是時德裕在

相位八年十一月始罷然則瓘之去國不知坐何事也容齋

在磨匡碑左下方字大寸許書法蒼勁但多剝落不可識幸

容齋四筆記載甚詳猶可全讀也

瞿木夫云韋瓘題名十八行每行十字正書容齋四筆跋此

刻振其大畧書之文句多有刪削且後半竟未及一語蓋其

時字已漫漶不可讀矣容齋至今又數百年前未及一語蓋其

字賴跋語可以補之然非石刻尙存亦無從知容齋有刪削

躬恥齋文鈔

卷十九 地志

望 越 峴山 館 栗

也今以石刻校之二年下有十二月七日五字刺史下尙有  
八字不可辨者五字桂林之命下尙有十七字不可辨者十  
一字纔經數月下尙有四字不可辨者三字容齋所引止於  
誠爲忝幸句以下尙有七十五字可辨者僅四十八字耳今  
据全唐文補足二十有七字後半乃成完璧矣攷瓘字茂宏新  
唐書附韋夏卿傳後

唐李行修等涪溪題名存

前廣州刺史李行脩掌書記施肱巡官李黨大中三年四月

十一日赴闕過此

李行修等題名正書四行左行在馬施題名之下李行脩  
督衙云廣州刺史而下有掌書記施肱巡官李黨二人姓名  
攷唐書百官志諸州刺史並無置掌書記巡官之文廣州本  
係邊要之地以都督兼刺史都督亦無置掌書記巡官之制  
蓋因其時刺史多有以節度觀察等使兼領者皆置此二官  
因而都督亦置矣此亦唐末方鎮擅權之漸也類編

唐九疑山舜廟記

道主孟可再記朱介一書咸通十年九月二日在道州寶刻

唐胡璠涪溪題名

咸通十二年七月二十五日在永州寶刻



王煦等省志云案今臨臺銘側唐人李行降等題名之後又有題各數人石已殘缺模糊似有咸通字疑卽此刻也

唐李當朝陽洞詩魏深和詩并書事存

題朝陽洞左行義陽守李當第二江上朝陽洞無人肯贊行

過今來慙心賞迴首戀煙蘿半書奉和第五左丞八舅行

題朝陽洞第六從甥前似高州軍事推官鄉貢進士魏深第七

北闕飛新詔東山喜更過文星動巖夢章句別松蘿亦一行半

公嘗自中書舍人乘廉車問俗湖南他日書專左宣皇帝注行

意急徵值公南風中足不克見久行之乃有金貂損之拜行

洎足力如常除戶部侍郎尋出尹河三南移宣口鑲裏斜藹

然龔黃之理為天下最士君子莫四不延頸企踵日望沛然

為口似封霏雨五行下先帝知之拜天官氏歲餘除尙書

左丞于時奸臣竊六國柄凡以直道事主不附于己者悉去

躬恥齋文鈔卷十九地志望越峴山館粟

之由是七行出牧于道道人比歲陽九之災山民蟻聚為賊且

起三八州之兵以翦之於是公以書先諭而招之洎到九郡

之日則遣使以逆順之理告之禍福之門納之不整十尺刃

而山城革面皆得保生之福耕於野而歲十一損字小再稔行

道人由是不似聞夜吹之犬今則四凶已去八元用

之十二請書其事敢為前賀時自道移申及此拜得歸

西十三掖咸通十四年十一月廿五日魏深題進士崔鵬書

行十四零陵縣令李琪字小鐫十五行處士唐元真看題口

似判官十六陳楚行

右李當詩石崖鵬正書在朝陽洞西窠絕壁上道光丁亥始

獲得之楷法道渾有鍾王古意自來金石家未見論及隱晦

之述久而一彰良足垂矣魏深所述道州民變及當論降一

事史志皆佚賴此得以傳之鍾磬翰

案李當章無可致其所述奸臣竊柄直道不附者悉去之蓋

指路嚴章保衡諸人新唐書路嚴傳云王政稅辭宰相得用

事嚴願天子荒聞以政委已乃奪肆不法與幸保衡同常風

時日其黨為牛頭阿旁言如鬼可畏也保衡恃恩據權僖宗

立爲怨家自發陰罪服死此書事在十一月僖宗立以七月與史正合魏深雖當私想所言不妄則其論賊之功亦可信徵矣第其書公字必空三耳

唐救建舜廟碑

佚

僖宗時長沙胡曾權延唐令請立廟於玉瑄巖下有救建舜

廟碑記

九疑山志

案宏簡錄楚寶胡曾傳以權延唐令事在事蜀王衍之後據此則必唐莊宗時楚奉正朔之際矣明統志以曾爲天福時及第曾補甯遠令後奉正朔之良是愚意當是昭宗景福中登第乾符中權延唐後人不知有昭宗之後乾符遂謂是僖宗時事山志之誤殆坐此至其入蜀而又還楚復任延唐馬氏或以故令治舊地明志恐未盡誣宏簡錄遺其先爲延唐一節與山志迥異亦未可爲確據也

唐穆栖溥溪題名

見木

在永州

寶刻類編

唐周如錫月波亭詩

見宋

亭在縣西二十里久頽惟存唐刺史周如錫月波亭觀書詩

石刻

詩見永明縣周志

躬恥齋文鈔

卷十九 地志

望 越 峴 山 館 棗

元家坊三字

存

在小縣臺南谿園東久圯舊址有大石猶存原刻元家坊三字

溥溪谿園二字

存

篆書橫刻小縣臺南石堂下小石上字徑六寸許筆法深穩唐人筆也

溥溪唐亭磴道四字唐亭銘三字

存

於何君元錫齋見所折磨厓大字有云唐亭磴道者有云唐亭銘者驗其筆跡似唐人所題

溥溪石門二字

有

在東厓下左右石上字大一尺五寸案元次山溥溪銘有山開石門之句則石門二字當是唐以前刻

唐火星巖石壁題刻

佚

唐宋名賢題識甚多在永州府

天下金石志

火星巖在朝陽之背其地稍僻崖石峭直易受風雨有六七處古刻洗刷再三不能辨識所存者朱刻而已

唐紫霞巖詩刻

佚

洞刻有唐宋人諸苔漬不可讀

九疑山記

斜巖石壁圓滑鐫刻者多四凸洞中深遂相傳多古人題壁墨蹟盈未刻石今外巖所見殘字皆在唐宋以後欲入裏搜



攪而春水暗生泥滓難涉  
烏能索之冥冥耶觀籀

後唐何仲舉墓碑

見

在州北二十五里

道州新志

王煦等省志云案仲舉營道人後唐天成中登進士第馬殷開天策府置十八學士仲舉其一也又出為全衡二州刺史見陶岳五代史補等書

唐虞山二字存

道州學西為唐時虞廟址今存虞山二大字剝蝕僅存形似

猶古迹也

開見偶記

宋重修舜廟碑

佚

建隆初知制誥張澹奉敕撰

九疑山志

省志以張澹在開

案建隆三年周行逢卒其子保權尚有衡永則此碑自當在四年初平湖南遣祭之始其加祠部仍兼制誥可知已

宋李建中澹山巖詩

未見

常思羽衣人宅此巖厓傷口口通大道元關掩中黃古朴宮

殿口偃亞松桂香洞戶漏夕月未罅生口陽疊齒上層巖露

躬恥齋文鈔

卷十九

地志

蜀

越峴山館棐

井連曲房斷壁橫廣幕矗石排吟口蟄痕燕穴空乳溜蚪鱗

張清泉弄春口靈草經冬芳自笑老倒容誰口刀圭霜金版

佩上籍玉音歌洞章口口夜森立絳節朝飛揚咫尺仙路南

喧囂機世忙浮埃走車馬奔近多事場眞地擁煙霞根本無

為鄉不到久歎息一來徒悲傷但聽鏗華鐘所得心耳涼

漁隱叢話云余於西臺書不多見獨見其永州澹山巖詩清

勁簡遠不識晉唐間人書六一居士稱建隆以後李西臺出

羣拔萃肥不剩肉山谷因李君貺借示其祖西臺草聖賦詩

云篆科草聖凡幾家側理數幅冰不及字體執傾墨猶溼明窗

未得似看家藏側理數幅冰不及字體執傾墨猶溼明窗

凡開卷看坐客失淋皆起立新春一聲雷未聞何得龍蛇已

驚蟄其許可如此不虛美矣  
寶真堂贊日待中自西臺御史踐奉常翰墨入神品世所珍  
秘觀其書宛信  
案宋史文苑傳建中太宗時甲科以大理評事為岳州參軍  
再監潭州茶場歷通判道鄆二州罷木夫遊三吾掾求未得  
王述庵亦不登之萃編余亦求之巖中而不得也  
朱賈黃中送潘守詩有寄刻朝陽巖

七言四韻詩一章送新知永州潘宮贊若冲赴任賈黃中上

鴛鴦行中已著名頗條暫慰遠民情道途行去乘輶貴鄉里  
過時晝錦榮鈴閣曉開江月滿戟枝寒照雪峯明知君游刃  
多餘暇莫忘新詩寄鳳城 軍事推官秘書省校書郎潘孝  
孫奉命書 大宋雍熙四年中元日鐫 右正書十一行小  
字二行

宋 案此刻書以若冲謂卽潘衢致衢乃慶厯年間任今搨拓  
本改正

存

秋日同知州潘贊善朝陽巖閒望書事 太僕寺丞通判軍  
州事郭昭符

自帝呼龍駕雲旌西上金天調玉燭九

似疑

聳黛凝不乾

二水飛藍健相續紫皇詔換魚須竹阜蓋朱衫來作牧波神

一夜收風濤烈飲先秋靜林麓曾巖照水明朝旭

擁奇木山閣吟煙薄莫鐘酒旗拂雨臨

似溪

放謔身外

躬恥齋文鈔

卷十九 地志

呈 越 峴山館粟

光景促

下缺

長嘯

酸才熟

下缺

樵素絲

目去無羈束逸思涼飄繞煙谷言涉淥水紗裳輕追風朱鞅

桃花速迴看山下多麋鹿浩歎

缺三

鴻鵠來刁斗轉分明

永夜公堂守幽獨

下缺

右行楷十五行字圓渾猶宋初體格惜佚其時次案官表此

宋人爲咸平初通判潘贊善卽若冲在雍熙時則亦當同時也

宋宣撫記

存

在朝陽巖

省志云零陵宗志咸平

宣撫記

分序

宣德郎守秘書丞知永州軍州事騎都尉借緋

陳瞻述 聖上以蒿寓清夷九有豐稔明德率踰於古道至

仁允被於羣生爰命近臣特行巡撫勗官守奉詔條以臨滸

勤恪諭耆老教子孫以忠孝農桑仍示優恩並加宴設零陵

古郡溜水通州有齒危髮禿之徒

零陵補志

凡四百人相與



歌詠進而稱曰我后恤養衰老化洽黔黎雖代厯彘軒理稱  
堯舜未有念及遐僻惠加疲羸存問之旨若今日之盛也思  
欲明示子孫刻之琬炎寧俾永遠德教垂聖朝無疆之休豈  
不同快餘年哉瞻任忝親民敢不從眾乃於郡之西偏巖日  
朝陽直紀皇猷就刊貞石

侍禁閣門祇候權管三司大將軍將荆湖南北路同巡檢郭  
咸朝奉大夫尚書司封郎中權勾當三班院兼同權判刑部  
荆湖北路巡檢下缺右行書十五行當日蓋有十六行後  
佚一行耳寄刻朝陽巖壁先府君始搃得之

陳瞻題朝陽巖詩

存

巖面郡樓前巖崖瀑布懸曉光分海日碧影轉江天向暖盤  
棲鶴迎寒簇釣船次山題絕處千古與人傳

右正書六行不著年月零陵補志作咸平三年搢官表也

躬聰齋文鈔

卷十九

地志

吳越峴山館栗

朱昂等送陳永州詩

存

寄刻朝陽巖

送新知永州陳秘丞赴任翰林學士知制誥判史館事未昂  
赴郡逢秋節晨征思爽然過橋猶見月臨水忽聞蟬野色藏  
溪樹香風撼渚蓮此行君得意千里獨搖鞭

尚書比部員外郎直史館洪湛 零陵古郡枕湘川太守南  
歸得意年茶味欲過衡岳寺橘香先上洞庭船錦衣照耀維  
桑地石燕翻飛欲雨天若到涪溪須艤棹次山遺頌想依然

君家  
衡山

秘書丞直集賢院劉騰 秋風清緊雁初飛半醉搖鞭出帝  
畿名郡又分紅旆去故鄉更見錦衣歸剖符雖暫宣皇澤視  
草終須直紫微從此南軒多倚望好詩芳信莫教稀

開封府推官秘書丞直史館孫冕 桂林南面近徵黃又愛  
江鄉出帝鄉新命不辭提郡印舊山重喜過衡陽樓臺滿眼

瀟湘色道路迎風橘柚香如有太平經濟術政閑時節好飛

章  
秘書丞李防 昔年同醉杏園春別後花枝幾度新彼此宦

遊疎翰墨等閒交面起絲綸榮親未必須萊子晝錦何言止

賈臣布政莫為三載計清朝臺閣正撥人

右正書二十三行不著年月

雷雲盒金石審

案潛研堂金石文字目錄載前刻王煦省志云朱昂洪漢詳宋史文苑傳李防自有傳○劉騭孫冕見宋詩紀事騭官工部員外郎冕官禮部郎中守蘇州其為推官當在天禧以前惟贍史志皆無傳也

宋王羽朝陽巖詩存

殿中丞知郡事兼護軍王羽題 石岸盤危磴煙和曉日濃

長桐應待鳳古水必藏龍老樹藤多附層崖路莫從平磯看

浪沒峭壁任苔封蕭韻生羣籟嵐光簇眾峯何時有達士棲

此信疎慵 東向水西阿無時物景和松陰不映戶曉日在

躬恥齋文鈔

卷十九 地志

望 越 隗 山 館 葉

煙蘿人跡如行少山禽似語多清高知隱者塵慮自銷磨

天禧戊午歲正陽月記 右正書十行戊午為天禧二年

宋周智強墓碑

在道州營樂鄉安心砦智強即元公之祖

宋諫議大夫周輔成墓碑

在元公故居之左元公父墓也

王煦省志周輔成大中祥符蔡齊楊特奏各進士歷官終賀州桂嶺令累贈諫議大夫

宋寇準九疑山紫虛洞題名

未見

在甯遠縣

石志

九疑山志紫霞崖無為洞多庸宋人絕遊句寇萊公隄公定題刻于澤尚新遊者每以尺炬寸毫不能備錄為恨

宋徐陟華嚴巖題名

存

予恪居少暇時遂勝遊聊用濡毫志其歲月天聖三年仲秋

望日朝奉郎試秘書丞校書郎權永州軍事判官徐陟題

王煦省志云右刻見零陵宗志  
右正書四行客居元作恪居案說文恪本作密俗作恪此以客作恪蓋假借通用濡毫零陵補志誤審作得意字今從拓本審正



宋道州設廳記 鼓角樓記未見文龔見州志

天聖四年丙寅仲冬將仕郎守司理參軍掌禹錫撰

宋道州知軍州題名記未見文龔職官表

天聖丁卯十二月望軍事推官試秘書省校書郎南宮誠撰

宋盧察題浯溪詩存 在磨厓碑之巔晤臺之左前人未見龔記

太子中舍知蒙州盧察題 後聲名人始貴真卿筆札

次山文二賢口使生同世口口悲不放君 天聖辛未九

年八月作嘉祐丁酉二年口月男臧上石 右正書九行

再題浯溪詩存 在晤臺左前人未見

殿中丞盧察字隱之再題 逆孽滔天亂大倫忠邪淆雜竟

何分欲知二聖巍巍力止在浯溪一首文明道元年作嘉祐

二年十二月男臧上石 右正書五行不齊臧河內人爲永州司理

丁謂貽華嚴巖僧詩存 在法華寺南隅厓下

躬恥齋文鈔 卷十九 地志 哭 越峴山館采

癸酉仲夏自營道出零陵山王正師上邂逅相遇今忽至此

下多麟臺致政丁謂 壞衲相過羽服迎可憐喧靜各零陵補志

力困營營我思江上忘身計師出山中乞寺名振錫迴還心

未任布金圓就意方平零陵泉石三湘最莫踏下缺 康定

元年季秋九日任持沙門小師知遷師口德忍守口口

常璩記

右正書十六行癸酉仲夏是爲明道二年謂自崖州貶所徙雷州又徙道州授秘書監致仕故又題麟臺致政也龔王蘭泉氏之研按精矣然拆木往往有蒙脫如此刻經先君及余審出者六九字惟有董酒等字始言不欲茲刪之

宋孫蒼舒等華嚴巖題名存

國子博士監市征孫蒼舒江陵節推知零陵縣王務本皇宋

景祐四年 右行書四行左行其首缺一行萃編作正書缺

宋陳統浯溪詩存 在磨崖壁間

讀元顏二公中興頌碑 提點刑獄尙書祠部郎中陳統

中興碑頌□崢嶸三百年來盡不生湘水無窮流善價□山  
長在聳高名文傳幼婦詞原贍翰灑崩雲筆力精技部臙舟  
思訪古拂塵珍賞眼偏明 經元次山舊隱 次山曾此隱

溪壑水清漪廢宅羣山合高名千古垂修篁森鈞渚樂石聳  
豐碑唯有喬林色蒼蒼似昔時 景祐五年十月二十四日

丙殿崇班缺當是 祇候同提刑柴貽正同賞 進士鄭絃書

進士周賁刻 右正書十七行字數不齊

壘水夫云涪溪新志遺前一首而以後一詩屬之書人鄭絃  
謬甚又羣山合作羣山在皆當以石刻正之  
案進士周賁於元祐三年刻華嚴巖張綬題名去仁宗景祐  
五年凡五十一人豈自少至老為進士且專為人刻石  
耶歟後來重刻鄭絃之上刻餘數字其第一字似元字則或  
元祐時所刻也

宋王文恩華嚴巖題名

予前授鄜延路分都監因入界破虜賊寨傷折兵甲特降斯

地於今年二月二十二日到巖閣安泊至六月二十七日受

躬恥齋文鈔 卷十九 地志 吳越岷山館栞

詔却赴西華任使凡在巖閣優游遂性清閑可知時康定元

年秋二十一日新授鎮威監護王文恩題 右正書九行

王賁省志案右刻見零陵縣志宗志攷宋史是時元昊寇鄜延  
故題名有破虜賊寨之語○安泊舊誤審作安居凡字存疑  
宋成猷等華嚴巖題名 存

聖宋康定二年歲直辛巳中秋前一日知郡中都外郎成猷

仲假會□□廣西提憲中都外郎田瑜資忠□提舉賣鹽田

曹外郎張譚巨卿左殿直監兵宋憲公度推官試校書郎楊

構起宗于此既遂命磨崖識其歲月耳

行書十行字數八九十字不等左行金石

舊表作瑄亦誤宗志仲下作瑛細審作假古還字也  
舊表作瑄亦誤宗志仲下作瑛細審作假古還字也

洪亶景純王之才希聖抑避聖程公遠林喬育卿李忠輔道

舉丙戌十一月七日題是年慶 右五行行五字正書金石



宋潘衢等澹山巖題名

存

中都外郎知郡事潘衢子莊殿中丞通理郡事陳規正卿太常博士監市征李寔公實軍事判官洪亶景純軍事推官李洙希真 慶厯七年十一月五日 右正書六行

案廣西棲霞洞慶厯四年有都官員外郎新翔引靖康未密名自署本貫樂陽蓋在初奉命時也金石萃編引靖康未密州陳規本傳無一語及官永州其時代相距本遠且彼字元則其為非一人無疑矣市征率編誤作市等先君始改正

又華嚴巖題名

存

即前刻諸人獨無洪亶以亶先已題名耳正書五行

金石

皇祐初華嚴巖殘刻

地口古刻石得元口石門精室詩知其地也宜其有竟養浩氣稽顙下戲使石門之稱與遺跡下其傳皇祐己丑祀明

堂日 右書似分似真僅存五行其首行蓋政和間人磨去另刻 左有政和殘字

躬恥齋文鈔

卷十九

地志

五 越峴山館棗

宋御書頌

未見

澹山巖奉安御書頌 有序 宋都官員外郎知永州軍事王顧

皇祐三年四月十有二日詔以御篆書明堂二字飛白書明堂之門四字總四軸賜永州經藏院澹山巖即以乾元節日

具儀衛鼓吹帥郡官屬道迎於經藏院翌日顧捧持躬詣州之南三十里澹山巖奉安禮畢復詣先朝所賜太宗皇帝御

書殿行瞻拜之禮盛矣哉寶構對峙王笈相照文物之法垂於萬年豈不盛與謹拜手稽首而作頌曰唐祖顏齡五代弗

殫炎靈勃興藝祖天動受命造宋張大一統紹武神宗萬寓摧兇玉帛雲從章聖繼文封禪祠汾上陳禮神錫義靈長赫

赫我皇慈仁日彰生知帝制天縱才藝武英文獻雲漢之章大風之揚賚及萬方孝友上躋祖德騰輝講求闕稀乃思乃

皇乃闡明堂露寢之央百神羣后九筵九奏簋俎登豆祖宗



聖孝配嚴帝吳孝思昭報明堂始成獻思儲精璇題曲瓊籀  
文玉膝飛筆龍騰對謁觚稜禮成申錫載摹載刻天臨萬國  
鈿軸琅函自北徂南賁此靈巖靈巖仙都紺宇層櫺先帝藏  
書薦逢聖旦聲明汗漫誕敷神翰率俾中外敦崇孝愛無違  
弗屆乾文聖作灝灝噩噩綸榮寶錯祖法聖能繼繼承承有  
德其膺靈巖哉哉孰鏡孰磨之頌之歌宸章聖德巖光瑞色  
天長萬億

宋王恁寫活溪篆刻

存

皇祐辛卯歲中冬廿有式日河南王恁寫因妄題

右古篆一行刻於修復活溪允元友讓詩碑後仁古文作恁  
从于心疇篆作疇或作弓金見說文因古文國古文四聲韻  
云出義雲章然仁疇二字義不相屬或因疇字從壽作弓竟  
借爲壽字亦未可知

宋狄青活溪題名

存

皇祐壬辰儂寇叛邕管孟冬宣徽南院使彰化軍節度狄青

躬恥齋文鈔

卷十九

地志

至越峴山館葉

奉詔致討明年季春朔凱旋過此石州軍事推官掌機宜

武緯

大理寺詳斷官太子右贊善大夫掌機宜馮炳從行

右狄青題各正書五行在活溪磨崖右攷廣源州蠻儂智高  
於皇祐四年四月反五月陷邕州及橫貴等八州嶺外騷動  
揚敗安撫久無功乃命孫沔余靖等討賊仁宗猶以爲憂狄  
青時權樞密副使上表請行乃改宣徽南院使宣撫荆湖南  
北路經置廣南置酒垂拱殿以遣之時智高據邕州青出奇  
兵大敗智高遂遁去遷護國軍節度使河中尹拜樞密使事  
許宋史及東都事略今臨桂有大宋平蠻碑及平拜樞密使事  
名皆其事也青以五年正月破賊二月班師至桂林此云季  
春朔凱旋過此正合武緯馮炳題名之從官宋制詔使得矣  
碑云智高棄廣源  
州奔南蠻自稱南天國偕號景瑞云禮獻案此石瞿氏所  
見其書孟冬儂寇叛邕管拓文倒置研堂移正之

宋高滌朝陽巖題名

存

在永州府

金石目

虞曹外郎知零陵郡事高滌子淵田曹外郎通守郡事雷儼

仲容同游皇祐五年八月二十八日子淵題

省志据零陵宋志

宋太常博士周堯卿墓表

存模刻

歐陽修撰皇祐五年在永明縣紫微岡

道州新志



王煦等省志案居士集墓碑作墓表道州新志題街誤作金  
紫光祿大夫今改正堯卿永明人見宋史儒林傳卒於慶曆  
五年据墓文卒於是年六月故進士梁官太常博士麻連街  
右碑上無篆額其題街曰宋故進士梁官太常博士麻連街  
二州司理參軍桂州司錄知高安興化二縣事通判鏡州贈  
金紫光祿大夫周公諱堯卿神道碑并墓誌文次即書撰祿  
三年翰林院員外郎翁燮立古墓碑亦有全書生所歷官者  
下書屯田員外郎翁燮立古墓碑亦有全書生所歷官者  
然碑題稱名諱則宋人所罕見又文內稱翁燮立古墓碑  
道碑不在撰碑之日而追題於上其爲子孫重刻無疑公且得  
官翰林院員外郎翁燮立古墓碑亦有全書生所歷官者  
載及諡不又案墓在必官所城外碑被雷擊每行碎一字云  
宋柳拱辰浯溪題名 在浯溪東厓

皇祐六年甲午歲正月廿一日尚書職方員外郎知永州柳

拱辰同尚書駕部郎中分司周世南祁陽縣令齊術遊此  
右正書五行字徑二寸許方輿勝覽柳拱辰其先齊州人遊  
地居武陵之青陵作青陵館歸老橋會子固有記齊州五筆  
謂拱辰以天聖八年王拱辰榜登第明統志載拱辰通判鄂  
岳有惠愛弟應辰子平猷相繼有名人稱武棧辰受代歸闕  
蔣世基述夢記云至和三年八月知永州柳拱辰受代歸闕  
祁陽令齊術行至白水夢一儒衣冠者曰我元籍也柳公遊  
躬恥齋文鈔 卷十九 地志 垂 越 峴山館棗

浯溪無詩而去子盍求之覺而獻詩柳依韵而和今柳詩未  
見僅於石門西北面存街名二行其前已爲人磨去改刻或  
卽詩之結尾與皇祐六年三月改元至和刻在正月故稱皇  
祐拱辰尙有至和二年六月建柳子厚祠堂則八月去承之  
陽華嚴二巖題各三年二月建柳子厚祠堂則八月去承之  
陽建三絕堂於浯溪孫適爲記始亦風雅人皇祐五年宰祁  
陽大中祥符元年進士曾以虞部員外郎知州世題云篤  
部郎中分司後一詩則改分司爲致仕始已葬官家居與守  
令同遊而列街在邑令董氏女重舊園也邑志謂世南梓王欽  
若致仕其遺事云少聘董氏女重舊園也邑志謂世南梓王欽  
之世南曰始全終廢天也卒娶警女皆卓然可傳者參耀錄  
又拱辰詩刻 題名 在浯溪石門西北面

周世南浯溪詩 在西門西石上後二行漫漶爲人改刻

浯溪崖碑辭語精妍景物奇峭成五言一首絕題 尙書駕

部郎中致仕周世南 壁立石青蒼鄰溪復枕江刊名傳不

朽縱筆記無雙怪石森圓 下寄 缺 幢 缺 異景 缺 右正書

浯溪三絕堂記 佚

皇祐六年三月推官孫適撰舊志孫碑在堂之西北三十餘



步日人碑仆

文見涪溪志

涪溪鏡石翁徐彥君題刻

孫適三絕堂記云東崖之嶺次山嘗銘之頌之左皇甫湜詩  
女漫漶不明澹而新之有徐彥君題石水發其光洞鑿百  
聖叔詩和回澹列之以示觀者  
涪溪鏡石翁舊有徐彥君題石東泉雖錄云中興頌刻南崖  
去已行數驛夢山神追取即載還龕置崖上但方二尺許耳  
余命從者洗其旁二丈餘皆光瑩可鑑僧驚曰前未見也又  
漁隱黃門有雲開石照改新厓亦光能照物與涪溪鏡石相  
類蘇黃門有雲開石照改新厓亦光能照物與涪溪鏡石相  
已盛傳矣此石上蓋有徐彥君題名作志者未及細攷不知  
彥君何時人也予遊涪溪觀鏡石空所見彥君字蹟石光亦  
不甚透案涪溪志乾隆庚寅爲竊盜者不見彥君字蹟石光亦  
知所存已非舊物彥君手蹟因此遺佚惜哉  
宋人避國諱嫌名鏡字改鑑或作照云

柳拱辰等澹山巖題名

至和二年乙未六月十九日尙書職方員外郎知永州軍州

事柳拱辰以久旱躬禱於零陵王之祠因憩此巖是日得雨

時殿直齊懷德大理寺丞章詢判官李方推官蘇台文錄事

躬恥齋文鈔

卷十九 地志

三 越峴山館琴

參軍張服司法參軍李光序零陵縣令孫思道零陵縣主簿

張拯信安進士趙揚武陵進士魏堂從行男新黃州司法參

軍平奉命題

宋詩紀事抗揚爲趙揚二弟皇祐間并爲江滌令抗揚與俱  
名勝志載抗與翁抗揚坐東軒引流聯句一詩史傳抗揚字闕  
道衡州西安人信安爲衡州江名正與抗同貫事蹟無攷  
案王安石廣西轉運使蘇安世墓志云女適單州魚臺縣尉  
江山趙揚翁稱信安都西安世墓志云女適單州魚臺縣尉  
路轉運判官見宋史南蠻傳亦自有題名又別稱會稽趙揚  
殆以古隸會稽手移籀木  
右正書十二行字大徑寸極似中興頌蓋柳平筆也

又朝陽巖題名

尙書職方員外郎知永州柳拱辰禮賓副使湖南同提點刑

獄李用私尙書比部員外郎通判永州尹瞻至和二年乙未

九月四日遊此朝陽巖 正書八行

華編

又華巖巖題名

知永州柳拱辰通判永州尹瞻郴州州令郭震至和二年十



一月二十日遊此 正書五行左行 萃編  
又柳子厚祠堂記 存

子厚謫永十餘年永之山水亭榭題詠固多矣韓退之謂衡  
湘以南為進士者皆以子厚為師其經承子厚口講指畫為  
文詞者悉有法度可觀今建州學成立子厚祠堂於學舍東  
偏錄在永所著詞章漆於堂壁俾學者朝夕見之其無思乎  
至和三年丙申二月二日尙書職方員外郎知永州柳拱辰

記 正書十三行 萃編

案右刻今在華嚴巖側宋時祀子厚蓋在此今其西仍為郡  
學子厚祠則專在愚溪矣

尹贍澹山巖詩 存

尙書駕部員外郎監零陵郡事尹贍岌業元化精嶄巖大塊  
拆駭若盤古時呀然巨靈孽狀怪嘔風雷勢逸吞山澤寒暑

中外分居僧甘窟宅 正書七行行八字高二尺八寸 萃編

躬恥齋文鈔

卷十九 地志

越峴山館琴

金錢寺碣 未見

在祁陽縣東一百八十里河洲後甚道逸 志

宋至和三年七月十五日尙書職方員外郎知永州軍州事  
柳拱辰書碣云祥符九年九月九天聖九年九月九其時心

有此時心此時心合其時心 語通識數  
元妙難解

蔣世基述夢記刻石

在浯溪押字石旁 ○押字石即爻石柳

應辰舟中遇怪大書其掌曰爻詰且乃在崖土更書尋爻爻

字鎮之述夢事詳容齋五筆押字跋

宋潘夙浯溪題名 存

正書四行在浯溪厓上

新江東提點刑獄潘夙嘉祐丙申經此

瞿木夫云及宋史夙字伯恭擢江西轉運判官提點廣西湖  
北刑獄遷轉運使徙知滑州桂州謫監隨州酒稅起知光化

軍端州刺史遷光祿卿入直昭文館歷度支鹽鐵副使知河中  
府又知潭州遷光祿卿入直昭文館歷度支鹽鐵副使知河中

之及丙申為嘉祐元年即至和三年也此刻前人未見  
嘗於四朝聞見錄諸書見太祖初入周官武士持周帝幼子

將出太祖額潘美力言不可誅太祖即以屬美矣有養之

言其姓夙寔遺允之子也此事君臣秘密故得保全於太宗

之世太祖之仁至矣史信

未俞洵直涪溪題名存

新儀真司民俞洵直君儀侍親按永先還艤舟登此嘉祐丁

集

酉五日晦題

右正書六行左行在岨臺左集

宋米君平等涪溪題名存正書五行在岨臺左前人未見

米君平會盧臧吳克謹食嘉祐二年六月九日臧題

盧臧三巖詩序存右正書三十行高下不齊

永州三巖詩并序潭州湘潭縣主簿權永州推官河內盧臧

永之東南三巖相望穿堅貫險外峻內夷涪瀟之間號爲佳

絕火星巖嶄嶄亂石怪聳於倚曲榮斜通後瞰山腹在時黃

冠師宅其側塑火星像爲人祈福今字壞基存緇徒構宇而

居朝陽巖後阜前江呀焉淵邃旭日始旦華粲先及小亭歸

躬恥齋文鈔

卷十九 地志

臺 越峴山館葉

然立於石岸澹山巖依山而上緣穴而下深入虛廣踰數十

畝秦始皇時周正元注實之居今爲佛圖山富竹樹澹竹爲

多其後斜穴百步迤邐而出捫蘿躋石復有小巖大抵永山

類多巖穴茲三者爲極勝至者賞其外塵全而移寒暑也予

嘉祐丁酉二年被臺符承幙中乏四月始到永未幾遍歷所

謂三巖者且酷愛澹山虛廣遂確其巖石惣刻三詩偶漕臺

俞公按部游巖遂持詩以丐賡屬公好奇博雅旣賞會於巖

下又從而繼其聲焉其從游者題名於別石時六月六日也

火星巖 巖扁瞰羣阜疇昔道宮鄰熒惑標名舊浮圖締構

新石寒長滴乳地潤不生塵吾到期深入虬蛇勿噬人 朝

陽巖 瀟湘峻岸傍巖穴號朝陽全會江雲勢先分海日光

高深驚險易冬夏返溫涼誰斤棄塵世探窮仙者鄉 澹山

巖 誰開仙窟宅非與眾巖儔樹響晴翻雨嵐涼夏變秋禽



靈啼復斷雲怪吐還收深羨羣僧住嗟予莫少畱逆貞乃仁宗嫌名

俞希孟三巖和詩存  
范陽同年示及零陵三題率然為荅甚愧妍唱 荆湖南路  
轉運使尙書祠部員外郎俞希孟 火星巖 信美眞靈宅

呀然洞府通皇家尊盛德南夏享陰功廟貌鄰炎帝峯名比  
祝融遊人思所謂無獨愛嵌空 朝陽巖 旭日多 照幽

巖得 華次山名此地瀟水匯其涯峭壁生雲葉危根濺浪  
花終攜羨門侶晨坐曠朱霞 澹山巖 巖腹潛雲構清涼

十畝閒天畱盤古穴人誠寶陁山壞像煙嵐溼高僧歲月閑  
聖時無遁客佳境付禪關 正書十六行萃編 按字頗近顏行筆過便

宋張子諒等澹山巖題名存  
王煦等省志云案金石萃編脫首行范陽至妍唱十八字今据零陵宗志補正其云范陽同年蓋即盧臧也

知軍州事張子諒率通判張德淳同遊幙中麻延年魏景邑  
躬恥齋文鈔 卷十九 地志 美 越峴山館采

焉嘉祐己亥四年五月二十六日己未臧題  
正書八行胸胸字商翁永州人由陽朔至簿悉知邕州徒鼎辰忠順等州加東上閣門使未拜而卒此題大理丞則傳所缺兩能詩故方輿勝覽后村十家詩詩語諸書中所有皆得集宋詩紀事采之又史傳章望之字表民浦城人所伯父得象蔭枝書郎累光祿丞致仕傳稱其北遊齊越南泚湖湘西至泚隴東極吳會山水勝處無所不願有歌詩數百篇夏書二篇見宋文鑑此遊蓋其南泚時也 蘇萃編

又子諒等題名存  
張子諒中樂陳起輔聖麻延年僊夫魏景晦翁盧臧魯卿夏

鈞播之同遊嘉祐祐禧後十一日 正書六行左行萃編  
錢潛研氏曰嘉祐四年十一月諭亭明堂案本題漏書其年錢氏謂當在是年十月或以後作前乎

吳太元等華嚴巖題名存  
永州軍事判官吳太元前道州軍事推官鄭平永州錄事參

軍張仲回本州司法參軍宋翔東安縣尉范沐一 永州員

外參軍胡亞夫嘉祐四年八月望日題 正書七行左行

案王蘭泉氏鄭下缺一范下缺一嘉字前缺三今悉從先君補志惟嘉祐補志誤刻作景祐今並更正

又朝陽巖大字 一在上巖一在下洞水涯

朝陽巖 嘉祐五年二月五日張子諒書盧臧題記

三大字 正書一行高五尺七寸廣二尺小字亦正書刻於左右萃編

朝陽洞 亦子諒臧所刻

宋任等題名 存

皇宋嘉祐庚子歲六月己巳日提點刑獄度支郎中宋任仲堪同提點刑獄供備庫副使靳元翊公弼按部回游此

正書六行萃編少歲字今從零陵補志右刻極仿麟靈芝書

宋王汾九龍巖詩 在東安縣蘆洪東一里

游龍巖精舍 光祿寺丞知潭州湘鄉縣事王汾上 暫到

靈巖頃刻間籃輿還促度前山我今吏役羞前輩地逢僧

躬取齋文鈔 卷十九 地志 毛越峴山館琴

不得開 嘉祐五年庚子孟秋二十八日題 正書六行

徐大方等朝陽巖題名 存 在朝陽巖 王昶萃編誤作在澹山巖

徐大方冲道率曹元卿舜臣麻延年僊夫萬孝寬公南黃致

適道盧臧魯卿游臧題嘉祐辛丑上元後二日 正書六行

又題澹山巖題名 存

司刑丞權郡徐大方同上幙權倖麻延年點閱御書警巡馬

公弼零陵令夏鈞從奉宸前知懷遠曹元卿邵陽幙萬孝寬

前荔浦令黃致前湘潭簿盧臧預游嘉祐辛丑上元後三日

臧題 正書八行 萃編○臧書深於顏此極似家唐碑惟權从手係俗書

蔣緯澹山巖詩 存

郡進士蔣緯 風生崖水響霽散洞門寬幽徑盤危入青天

一面看三冬僧定暖五月客游寒縱有通神筆亦應圖出難

嘉祐六年正月廿四日孫州院孔目官褒上石并書 八行



秦緯詩作於前而其孫書之郡邑志無緯傳選舉表亦佚之亦不知何年進士也

宋余靖九龍巖題名存

廣西體量安撫使副三字余靖賈師熊嘉祐五年裂石下月十九日再游喜公九龍勝槩崇班張均文與供奉官以下張守

約趙璞陳和李規趙遂從游璞奉台旨書

右正書六行銜稱使副一使一副副者師熊也喜公僧名澤陽胸羽有贈喜公詩帥命稱台首見宋時帥臣之尊

又潛溪題名存 在磨厓石

嘉祐庚子再授命充廣西體量安撫使備禦蠻寇明年春已

事而旋尚書吏部侍郎集賢院學士余靖題

右正書四行左行攷宋史是時交趾與甲尚蠻寇邊又蘇茂州蠻寇邕州乃以靖按撫廣西儂智高反靖丁父憂喪次起

知潭州詔委經制廣南西路儂寇平還給事中又遷工部侍郎狄青及諸將班師南靖廣西禽智高母子弟致闕下加集

賢院學士故云再授命也史言工部此云吏部殆又轉官而史未及也此刻前人未有著錄者

案前九龍巖刻使副明是二帥此一人故祇稱使臨桂題名云使副者必亦兩人未夫謂由副為使又作按撫皆誤

躬取齋文鈔 卷十九 地志 癸越峴山館棗

陸詵澹山巖題名存

聖宋嘉祐辛丑歲六月三日轉運使尚書刑部員外郎直集

賢院陸詵介夫按部游此 攜家人與仙姑同至 入字 旁書

正書七行史傳詵餘杭人進士起家由集賢校理歷吏部南

曹提點刑獄徙湖南湖北轉運直集賢院此云刑部員外郎為

傳所略至按部止于荆湖之境王氏萃編謂卽至邕州集左

右江尚首之時則彼乃遷修撰知桂州後事與此迥異

陸詵所云仙姑當卽元祐辛未高公傑題名所謂何仙姑也

歐陽公劉貢父皆紀何仙姑火事當時信為真仙然

貢父謂謝仙火乃南方賈人自刻姓名記物歐公謂仙姑晚

年羸後高公傑覽仙姑無神異二公有識故不為所惑然詵與之

偕遊後高公傑覽仙姑無神異二公有識故不為所惑然詵與之

唐末世主好道崇元士女多習方術仙姑既超凡眾何為馳

逐勢要自泣怪蹤此云家人與仙姑同至其亦春秋之筆與

馬璟等澹山巖題名存

馬璟唐輔會蕭固幹臣蕭汪岳夫魏景晦翁何廓伯達張子

山景仁蕭澈子源辛丑秋社日遊 正書六行左行

萃編誤以馬璟為馮璟蕭汪蕭固皆新喻人皆嘗官廣西坐

貶此殆去廣西經此而題王司寇謂辛丑卽嘉祐六年是也

揚冀涪溪詩 存 在涪溪厓上

尙書職方員外郎知衡州揚冀 長安失馭頌聲沈 天寶十

五作者誰能刻翠岑大業盡歸文老筆 次山中興還死叛臣

心天邊奎壁垂芒冷溪上龍蛇倒影深當日形容播金石洋

洋千載有遺音 皇宋嘉祐七年九月十一日

右正書七行左行前人未見衡州府志官表失載耀琳夫金石

闕洞澹山巖題名 存 都官員外郎闕洞挈家遊此嘉祐壬寅正月九日記男常棠

敬當孫陽侍行

右刻正書五行前人未見先君始入之補畧而遺男下八字今補正

宋迪澹山巖題名 存

嘉祐八年三月初八日轉運判官尙書都官員外郎宋迪遊

右小行楷四行萃編謂為正書其用筆似鍾紹京精甚致迪字復古雖陽人與見道字公達皆以進士擢第金處曹

躬恥齋文鈔 卷十九 地志 堯越岷山館采

耶悉善書山水師李成運思高妙筆墨清潤繪畫時以為秋重

又善畫松見郭若虛圖畫見聞志夏文彥圖繪寶鑑又事實類苑云宋迪善為平遠山水其得意有瀟湘八景又湘山野

錄云八景臺宋迪度時畫與僧惠洪各賦詩似此圖始于迪蓋正其官荆南轉運時作之釋

志職官失載故為表而出之釋

涪溪山德寶詩 存 夜過涪溪 缺二 重來為賦詩 缺二 唐朝事興廢 缺二

案是斯碑 嘉祐八年仲冬望日 缺三 國解印橫 缺 易 缺三

侍叔叔 缺 殷明年泊與德寶 缺三 曉 缺 丹

右嘉祐八年詩正書八行在唐亭東厓下方石之北面其東面即黃山谷與長老新公石刻後四行字較小上數字為倚

大樹傍石壁掩不可見此刻前人未收錄釋 宋解舜卿等羣玉山題名 存

解舜卿梁宏董乾粹馬定周均劉湛治平二年清明甫一日

同游 以上 潘景純張 下 刻 右 正書兩方在中山亭側潘景

純熙宣時郡守蓋續題者地僻人多略之 金石



梁庾項隨等澹山巖兩題名 存

新賀州桂嶺令梁庾子西洎翁零陵令宏巨卿進士真隱甫陪郡幙項隨持正新清湘尉蔣忱公亮進士周鎬毅甫同遊

治平乙巳九月十四日題

正書七行左行繒 案係行楷王司寇作梁庾先君審作梁庾今覆審實庚字

持正子西公亮巨卿毅甫隱甫同遊

正書六行左行繒 右刻筆力陡峭有奇氣真必不滿前書故同日重題與

薛侔等澹山巖題名 存

轉運使河東薛侔步按上六州一監渡瀟湘二水歷三同巖

九龍洞至永遊朝陽澹山二巖悉非人力乃神物所造之景

通判樂咸縣令梁宏共行治平二年十一月三日題石

正書七行繒 案王司寇澹山下脫二字零陵補志增入其書極似夢真答記

上有九域志荆湖南路為潭衡道永祁邵及桂陽監卽所云上六州一監也瞿木夫說

射取齋文鈔 卷十九 地志 李越峴山館棊

樂咸澹山巖詩 存

尙書都官郎中通判軍州事樂咸 門開巖底洞沈沈竇乳

雲泉矢路深香石峭峯千載異龍潭幽穴四時陰僧居築室

隨高下客到畱題見古今南出零陵一舍地清瀟堤上好追

尋 治平三年正月十五日書 正書六行 萃 編 此刻字頗小

陳藻與周子等澹山巖題名 存

尙書都官郎中知軍州事陳藻君章尙書虞部員外郎通判

軍州事周悖頤茂叔郡從事項隨持正零陵令梁宏巨卿同

遊治平三年四月六日題 正書八行 萃 編

大真疑重字完潔無剝蝕山谷碑後出乃已蚤泐可謂闕而章者矣

梁宏等朝陽巖題名 存

臨江梁宏巨卿廬陵董乾粹承君東都張堯臣伯常王獻可

補之治平三年季秋二日偕遊 正書八行 省志云此刻宗志始見

施氏父子涪溪題名 存 在涪溪石壁 瞿木夫云 夫人未見

職方員外郎施□□治平丙午十月十七日赴湖北提刑登

溪口觀顏魯公中興頌石男武仲□仲和仲從行 正書 六行

程濟鞠拯與周子朝陽巖題名 存 在洞下西壁

荆湖南路提點刑獄公事尙書職方郎中程濟治之尙書虞

部郎中知軍州事鞠拯道濟尙書比部員外郎通判軍州事

周惇頤茂叔治平三年十二月十二日同遊永州朝陽洞

正書五行 鱗在巖中不慮風雨特乞人多稱其側爨煜 熏灼石色漸變悉及將裂損耳 編

范子明等澹山巖題名 存

前八桂倅范子明同永映項隨令梁宏掾董乾粹遊澹山治

平丙午鵬月吉誠叔題 正書六行 左行 萃

案王司寇作并入日桂零陵補志無目字今審定寔無且出 五行年月雙書于後一行至誠叔當是子明之字俟攷

沈紳澹山巖題名 存

躬耶齋文鈔 卷十九 地志 空越峴山館瑑

治平四年正月壬申轉運判官尙書屯田郎中會稽沈紳公

儀行春零逾瀟水還經澹山寺 八分書五行 萃 編

又紳等與周子華巖巖題名 存

荆湖南路轉運判官尙書屯田郎中沈紳公儀尙書虞部郎

中知軍州事鞠拯道濟尙書比部員外郎通判軍州事周惇

頤茂叔治平四年正月九日同遊永州華嚴巖 正書五行

省志云右刻見零陵崇志 案三巖字皆方嚴疑卽周子所 書惟在巖外不蔽風雨望後之心者同護惜之

又紳涪溪題名 存 在涪溪厓壁分書八行 集

湖南轉運判官屯田郎中沈紳治平四年孟春丙子訪涪溪

元子次山故居讀中興頌晤臺中堂右堂三銘瘡琬侍行

周子澹山巖題名 存

比部員外郎通判永州軍州事周惇頤治平四年二月一日

沿牒歸春陵鄉里展墓三月十三日迴至澹山巖將家人輩



遊姪立男壽男燾姪孫蕃侍

王昶本無下男字

右周茂叔題名在澹山巖其文七行五十四字宋史道學傳敘其歷官頗詳獨不載其元七行五十四字宋史道學傳澹山谷外集云澹溪二子壽字季老後改元翁於熙寧五年黃裳榜登第終司封員外郎燾字通老後改次元於元祐三年李燾宣榭登第終徽猷閣待制本傳但云終寶文閣待制而不及壽官位亦為漏略因題名而牽連及之燾堂周濂溪史傳嘗道人東都嘗略作春陵周子自題本唐興縣之鄉今見於光武絕地與嘗道墓在春陵東都事略用其先墓所在之古鄉名也此題凡三見治平三年題虞道憲判軍州四年二次題比部通判皆傳所不載又待選有壽燾而姪立姪孫蕃傳皆弗及且但稱壽官寶文閣待制不詳事跡按書譜魏鶴山稱濂溪先生船遠宣博氏蔽則有書名也惟東都事略載其南安司理之後通判永州較史稍詳未待知事載壽字季老一字元翁元豐五年進士由吉州司戶秀州知錄終司封郎中官秀州時有題金粟庵詩朱子亦稱元翁詞翰之妙紀事又載燾字次元元祐進士為貴池分官至待制成都文類載其暑雪軒詩藏淳祐安志載其遊天竺觀激水昔是嘗至浙至蜀皆可廣史所未備也燾詩見周子至永州後與姪書告以先得贈諫議大夫又深念先墓札內詢候二十七叔三十一叔諸叔下而問及於周三輩蓋佃丁之流每札未象日好將息者再其情意肫篤周至讀之已有光風霽月氣象惜不能盡記也燾

躬恥齋文鈔

卷十九 地志

臺 越峴山館棗

鞠道濟與周子及項隨等澹山巖題名存

尚書比部郎中知軍州事鞠拯道濟尚書比部員外郎通判

軍州事周惇頤茂叔軍事推官項隨前錄事參軍劉璞零陵

令梁宏司法參軍李茂宗縣尉周均治平四年三月十四日

同遊永州澹山巖 正書八行 萃編

周子還故居必經是巖往來其間遊題三度皆歸然久存是必有神物呵護也禱

周子含暉巖題名 未見

周惇頤同鄰人 下缺 治平四年三月六日同遊 黃如穀道州方域志

右刻二十八字未見案湯璠志云治平乙未周元公通判永

州歸展親臺率鄰人弁其二子同游刻名厓石周子以二月

一日歸里三月十三週至澹巖此云三月六日游是巖為時

正合容再拓其殘字證之○含暉巖開自唐薛伯高故周子

亦重之不知月巖太極巖何以不一著其光景蓋前賢之闕

鞠拯等朝陽巖題名存

鞠拯項隨安瑜鞏固李忠輔蔣之奇治平丁未秋九月游朝



陽巖

右正書五行左行先君始著之補志遂入省志安李等字下有殘字蓋亦磨古刻而書其上者

周子九龍巖題名

在東安縣北一百里

治平四年五月七日自永侔往權邵守同家屬遊春陵周悖

頤記

右小正書二行在陶羽詩之左蓋行次迫促兩題不若諸巖之謹嚴也

陶羽九龍巖詩

古歌贈巖主喜公 潯陽陶羽上 喜公心眼如有靈善擇

此巖來構扃崖根踏碎莫煙碧洞門鑿破蒼苔青交加亂石

虎狼隊縱橫怪木龍蛇形其間可以松蘿招隱雲霞放情傲

復傲兮何富貴恣復恣兮閑利名舊作名利况乎龍虬聳背俟風

雨靈龜垂首猓雷霆岩中石狀我今方為年少英青山未有歸去

心他時致堯功業成與師高臥白雲深

右正書題三行詩六行與周子題名共一石而在其右不著

各代總當在周子未至之舟也案喜公名已見於仁宗時題

此詩度刻於仁英二朝之際故附列於此山谷集中有陶

駉恥齋文鈔

卷十九 地志

壹 越峴山館棗

接空宣撫借道正訪空九龍巖主喜師率成二十八字大理

寺丞監永州市征章論上 開攜羽容訪靈巖巖透山光秀

潑藍星使未來郵館近為師終日絳征驂

右刻正書八行參差不齊其詩殆不期入百元紙短而寺僧

接為長幅致高下失倫也喜僧見重士夫如此而所著失傳

惜夫案此詩在陶羽之前而字者出一手或即羽書也

濂溪拙賦碑 在道州其後一石佚

濂溪先生拙賦 或謂予曰人謂子拙予曰巧竊所恥也且

患在多巧也喜而賦之以上巧者言拙者默巧者勞拙者逸

巧者賊拙者德巧者凶拙者吉烏乎天下拙刑政微上安下

順風清弊絕 右周子作浚儀向子鄭隸書宋淳熙戊申趙

師俠刻於郡丞廳後有跋碑在道州用拙堂格古要論

濂溪先生先拙賦八分書淳熙戊申重午刻有趙師俠跋正書

寶鑑道州拙賦碑分刻二石各四行以格古要論攻之當



是向子廓書而佚姓名及跋語豈搨工遺之耶天下金石志云在岳州府恐誤朱子淳熙己亥守南康有書拙賦後云有濂溪先生所為賦篇尚聞之其曾孫直卿云歲歲耕者得之溪上田間已斷裂然尚可讀也此邦雖直卿在歲先生嘗辱臨之乃闢江東道院之東牖以拙書而刻置焉既以自警且告後之君子俾無蹈先生之所恥者以病其民云是江西有兩刻矣己亥乃淳熙之六年戊申則十五年也此刻當最後羅獻宣遠大谷巖亦有縮本土人謂周子讀書處以近故居也

周子愛蓮說碑存

在道州

濂溪先生愛蓮說 水陸草木之花可愛者甚蕃晉陶淵明

獨愛菊自李唐來世人甚愛牡丹予獨愛蓮之出淤泥而不染濯清漣而不妖中通外直不蔓不枝香遠益清亭亭淨植可遠觀而不可褻玩予謂菊花之隱逸者也牡丹花之富貴者也蓮花之君子者也噫菊之愛陶之後鮮有聞蓮之愛同

予者何人牡丹之愛宜乎厭矣

案此刻與拙賦字體不同非一人所書

道州有愛蓮說碑八分書七行無書人姓名及刊刻時代攷朱子有記云先生曾孫直卿來自九江以此說之墨本為贈乃後寓其各於後圃臨池之館而刻其說置壁間是此文刻於九江再刻於南康道州此碑近人所摹未知所本羅獻躬取齋文鈔

卷十九 地志

齋 越峴山館梁

沈紳無為洞銘存 在九疑山

南行江華出遊九疑恭款有虞迺登无為莊嚴佛宮清泠玉

池茲予磐桓白雲

下缺三字

沈紳皇宋治平四年十月十七

日 缺 四 巖 歸 時 蔣 穎 叔 下

右公儀銘拓本壽人未見余與李千之伯仲搜剔於叢篁蔚荔之間僅缺銘文三字可為至幸公儀善篆隸此書大徑四寸用唐斤分書法縱放奇恣似當日就石上行款署其下也字皆斜向有署款大偏其文左行銘文五行款署其下也案款字本從篆古權文作縱俗書款字實本於此此書作欵蓋用其意无篆隸皆同此加作无係誤筆欵恒經典釋文作磐桓分書省作磐侯成碑以禮磐桓是也此竟从舟參行書體為分書為此作爲首尾參小篆法雲字連上亦創體也

蔣之奇等九疑山題名 未見

在紫虛洞 九疑志

又之奇贈黃冠何仲涓詩 佚

舊在帝舜祠有石壁 九疑志

又重摹元次山無為洞天四字 未見

阻水不能入拓

治平四年沈紳蔣之奇游此取次山無為洞天四字篆刻巖

竇而紀於石 九疑志



宋蔣琪暖谷詩在江華縣徵拓未獲從永州李志錄存 名勝志作祺被官表亦作琪今從之

邑南山水秀且清天地坏治陶精靈有唐刺史昔行縣訪得洞穴有寒亭屈指於今幾百載磨厓字字何縱橫相隨棧道

倚空險來者無不毛髮驚我來三歲迷簿牘有時一到摠餘情娛賓烹茶遽回首孰知亭側藏岩局成紀同寮到官始居

然心匠多經營乃知物理會有數天温黍谷因人成鳩工畚築忽累日曠然疏達開光明初疑二帝鑿混沌虛空之土羅

日星又若希夷擘華嶽暖谷之響轟雷霆大巖既闢子岳出巖中之景奇且冥門外春風刮人面其中安若温如蒸壘垂

石乳如刻削周環峭壁無斂傾舊棉旣去小人險新徑知易君子平臨流地廣又方丈壘石□字為軒楹嗟乎土石仙山

古無情一旦遭時榮方今出震成大器鼎新基構清寰瀛我願天下無凍餒有如此谷安芸生不須吹律而後暖千古宜

躬恥齋文鈔地志卷十九奎越峴山館瑛

以此為名案省志蔣琪疑卽蔣之奇暖谷序所稱縣宰吾族叔祖其人也江華鄭志云治平間邑令

蔣之奇暖谷銘未見 徵拓未獲

序云永泰中元次山為道州刺史嘗巡行江華登縣南之亭愛其水石之勝當暑而寒遂命之曰寒亭而為之記刻石在

焉治平四年十月予陪公儀至上見有暖谷者方盛寒入之而氣温如挾纈熾炭不若也予甚愛之問其所以名之

者縣宰吾族叔祖是可銘也乃為銘曰惟時有寒寒不在夏夏而寒者茲亭之下維氣有暖暖不在冬冬而暖者茲谷之

中物理之常不以為異維其反之是以為貴茲亭并谷寒暑相配寒暑千秋陰陽反異名自天得待人而彰我勒此銘萬

古不忘

暖谷在江華縣南五里寒亭之側宋邑尉成紀李伯英始得其處治平中蔣之奇沈公儀有銘有詩謹州



王熙等省志云案考之奇宋史有傳撰載英宗擢監察御史  
神宗立轉殿中侍御史監道州酒稅後元祐初以天章閣  
待制知潭州此治平四年正其官御史時不知何以至永也  
○山人居永未至馮乘僅得寒岩而遠暖谷深爲追惜已  
又奇獸巖銘存南宋重刻

齒獸巖錢

俗名獅子

在江華邑南二里蔣之奇穎叔過而愛之爲

之作銘曰齒獸之曠瓌惟詭曼元公次山咎所未至我陪公  
像游息於此斯礮之著自我而始勒銘石壁將告徠政 治

平丁未同沈公儀遊

以上分書六行

惟蔣穎叔文高節奇正名茲巖作爲銘詩彼何人斯大字覆  
之來遊來嗟其孰與稽端平丙戌邑令張巖思永厥傳刻此

崖際俾冰壺孫李焯古隸凡百君子愛而勿釋

行書十一行列銘下

右刻怪偉完好額用籀文詔用古隸巖後始亦雅稱與蔣李  
可爲三絕李冰壺名長庚本宣遠人而居江華者長庚子  
皆有各掉事無可攷 案奇作鐘水而老于華而偏旁作企微  
不同雲水古老子獸字而此加大說文巖字古文作巖此額  
文小異改借作巖銘作文錫此作銀亦小異獸古文下此額  
此作巖正合其偏旁作巖者亦無極山碑異作與水揚著碑  
躬恥齋文鈔 卷十九 地志 矣 越 岷 山 館 栗

寒巖水石怪特殊曼下臨銀江上接雲際公儀穎未志樂巖

谷詣而得之賞愛不足爲近寒亭寒岳是名何以表之穎未

作銘 治平丁未十月陪沈紳公儀遊蔣之奇穎叔

分書八行

右銘元刊于寒亭之上年深字泯幾不可讀既新泉亭得沒  
字碑於亭左意昔爲新銘設也乃徙刻之且以彰予愛□之

志云後治平一百二十有四年邑令西隆虞從龍刊

行書五行

寒巖銘諸志所不及近新獲此刻欣未曾有虞令官表失載  
所謂後治平百二十四年乃光宗紹熙元年庚戌也分書當  
是穎未舊迹虞令  
特重刊之耳 齡 不

又碧虛巖銘

碧虛巖銘 義興蔣之奇 瀟水之陽九疑之囿清池涵鏡



亂峯插窻廟臨溪口寺在山圍誰其愛之義興穎叔

穎叔碧虛巖鎋瘦筆真書六行左行在九疑山永齋寺左後  
圖石壁上水不見字跡余與李家儁千之家麒止齋伐竹削  
苔刮磨而出之并得鄭安祖書於右又得沈公儀銘遺迹之  
復顯實自道光戊子始也韃韞

吳太壽碧虛巖題名

簽判秘書丞吳太壽字日鉞僅存形似被命同巡檢張繼圖遠尉羣

惟康營道尉俞唐謁舜祠吳擇中冉涇侍行李頊繼至熙宣

戊申二月庚戌誌

右刻正書六行細挺中微有隸意在碧  
虛巖有石壁巖深泥漬字畫盡隱就池

汲水洗剔之乃差可讀然程擇庚戌勢字猶難辨近僧心月  
往拓始見其真前人未聞見此者金石齋

鞠拯等朝陽巖題名

熙宣改元守倅浚儀鞠拯四明魏余如上巳日瞻敬火星巖

遂遊朝陽洞境趣幽絕莫名其狀徘徊盡樂因筆以紀歲月

右正書六行省志云見零陵宗志  
案守倅先俞書而後各書其名此又一例也

蔣忱九龍巖記

躬取齋文鈔

卷十九 地志

三 越峴山館采

永州九爺巖役額

將仕郎試秘書省校書郎廉州軍事判

官蔣忱撰

儒林郎行零陵縣主簿張處厚書 將仕郎守

零陵尉韓蒙亨篆額

予尉清湘之二年零陵縣令梁君宏

書抵予且夸大九龍崑泉石之勝屬予為記予為永人尤嗜

山水而足未嘗及所謂九龍崑者疑其書辭之過實方將走

介以訊其是非未幾又繪為圖以相寄予以事役未暇而梁

君已解去今年夏四月余用廣西帥辟就移廉幙東歸永欲

往觀崑崑阻大江會湖水漲不得遂及至桂林得零陵主簿

二書皆以崑記請則予之文不容靳也予按圖攷之崑在州

直北百里而近有寺曰洪陵傍有山曰九龍崑在其下山之

上有池可以釣山之下有井可以汲翠峯欲活峭壁如削其

間嵌空寬廣坐可容數十人蔓有藤圍有松竹皆見於圖予

疑古有隱君子棲焉不爾造化烏乎設此為荒閑無用之地



耶至於霜晴而石乾雲蒸而雨滂夏日火烈而嵐風自清冬  
雪滿空而嵐水不冰此又非摹寫所能至也始知予之不遊  
爲失而歎茲嵐之不遇也零陵山水著人耳目者尤多若涪  
溪朝陽洞法華寺石門最爲卓然元次山柳子厚嘗見於文  
字有澹山嵐又殊絕而二子且不到晚有李西臺詩焉三子  
文章所及得耀於今爲奇觀好事者又藉以大其說獨茲嵐  
之不得其傳可不重惜與開山者浮圖元喜治平始賜寺額  
曰壽聖院改洪陵也嵐寺之興自景祐厯治平餘三十年方  
賜名額又得邑令佐成渠渠以文記豈非特乎世傳昔有九  
道士從嵐而隱此非予所能攷信也姑述其舊名爲之記云  
熙寧元年五月五日新廣南東路轉運判官朝奉郎尙書駕  
部員外郎前通判永州軍州事上騎都尉賜緋魚袋周惇頤  
上石 右刻正書二十三行筆法謹嚴昔人未見舟陶羽章  
詢贈詩喜公者始知其名元喜也忱零陵人邑志載  
躬恥齋文鈔 卷十九 地志  
爲治平四年許安世榜進士此云尉清湘之二年蓋登第後  
除尉其明年許廉州幙與志正合周子非撰書而樂爲之上  
石則忱之賢可知按周子木傳熙寧改元用趙抃呂公著薦  
爲廣南東路轉運判官此刻在將去永州之時題街亦與史  
奇矣金石錄 辛酉五月又刪其文四十一字

高秉等九龍巖題名 存

提點刑獄公事高秉平叔高遵治公弼因按屬部同遊九龍  
巖時熙寧元年十月十七日題 右刻正書五行前人未見  
題刑何以二人並行按部

致宋史二人皆無傳湖南省志俱佚其名惟朱史外戚傳有  
高遵爲高瓊之孫其弟日遵諱此遵治或其從舅與俟攷  
涪溪人曼卿題名 存 在溪厓

衡權之侯績 缺 素張績公組鞏固固道邛昉晦  
之同遊熙寧戊申十二月衡題 正書六行前人未見

王勳等省志案曼卿姓名已磨滅攷石曼卿卒於康定此自  
別是一人廣西臨桂有宣和七年尙安國長卿及弟定國曼  
卿題名則又後於此  
五十七年恐亦有誤

荆延年等澹山巖題名 存

荆延年歐陽問趙良范成之張處厚熙宣己酉二月十七日遊 正書五行行五字 萃編 右刻字大二十許類中興頌

毛抗浯溪詩 存

讀中興頌 缺 南運判尚書都官員外郎毛抗 周雅久不作

楚騷方獨鳴淫哇弄氣態汚我瀟湘清二公好奇古大節 缺

時 二缺 崖勒唐頌字字瓊 英缺 雲借體勢水石生光精浯溪

僻南地自爾聞正聲詩傳入 缺 夏孰貴燕然銘絃歌入商魯

永與人神聽江流或可竭此文如日星 熙宣己酉秋七月

零陵權祁陽縣事夏杲上石

右正書十一行在磨厓趙楷詩後毛抗浯溪新志誤作吳杭

碧虛巖人雜申殘題名 存全缺

上缺 有虞 缺 三耶 缺 雜申被命同 缺 供奉虞祠 下缺 一奉 缺

陽劬尉 缺 二智 下缺 二無為洞訪高士巖宿永福寺 下缺 一行王 缺

躬恥齋文鈔 卷十九 地志

薛恭侍行熙宣二年己酉仲秋十六日 右刻不知行數字

月具存余至其下摩挲之有以審數字心月拓本轉少於所

范敏求等華巖題名 存

范敏求李唐輔曹 缺 甫胡正甫鞠子宣 二字 李輝甫熙宣二

年冬十月七日同遊曹謹叔題 右行書六行題刻皆率同

宋昭逸等浯溪題名 存

宋昭逸遵道李公度唐輔張處厚德甫徐驥及之鞏固周道

周漸彥升同遊浯溪熙宣二年十月十二日

右正書五行在磨厓左李公度浯溪新志誤作李文波

華嚴巖曹洪叔等殘題名 存

又六年冬十月重題 存

上 缺 心甫 缺 輝甫 缺 昭之 缺 熙宣三年曹洪叔題

右刻左行先零陵府君云剝落不完今又十二年字迹更隱





